



壬

海外彙報

4 曾 4  
7 5 3  
10





叢報  
759  
10

壬寅新民叢報全編

海外彙報第十六

半月大事記 西曆九月

▲十五日路透電。法國駐俄公使蒙德律畢。現過返法京。據言此次政府誤其特倡民主之議。召其回國。實拂伊之夙志云。

▲十六日路透電。杜國三將下禮拜當可行抵德京。德人現已預備款接之禮。

同日電。法國海軍大臣潘立敦。曾往科西加京城游歷。據言法國宜于該處建築砲臺。以固地中海一帶。各法屬疆圉。嗣又啓程往畢士他。復演說法國不欲與英國用兵。雖練兵之法。日益求精。不過以禦外侮。法外務大臣聞其言。心中甚不喜悅云。

▲十七日柏林電。法相德爾喀賽。因潘立敦之演說。有開罪意國之處。不得不向意國謝罪。惟法國欲在地中海及馬羅科地方得大權。因此英意兩國頗疑之。

▲十八日倫敦電。俄國農部大臣出示。言凡日美等人。如違例在西伯利亞海岸乘船捕魚者。除拘拿監禁外。船貨一概充公。

▲十九日路透電。意人言法國海軍卿所議意國之言。意國並不在意。自可置之不理。同日柏林電。法暹齟齬之事。雖已開議。然尚未能即了。茲復因英人將希蘭灘地方佔據。法暹之事更難了結矣。同日電。波斯王至俄京游歷。俄皇特于克爾斯地方設宴款待。彼此所言均甚親睦。





▲二十日路透電。比利時女皇刻在斯巴地方崩逝。享年六十六歲。同日電。英人尼宣于四年前往探北極。在某處凍斃。其尸現由水中檢出。聞附近北極之蓋勒斯及西屬各處。業已繪有地圖。凍死是處者不知凡幾云。

▲二十一日路透電。昨晚格致家斯賓士。由琉璃宮駕駛空氣輪經倫敦而抵哈烏落。約有三十英里之遠。其製造之奇。實出環球之上。該輪長約七丈五尺。濶約一丈。輪葉共一丈。能于空氣中行駛。自若云。

▲二十二日路透電。比利時女皇于今日下午安葬。

同日電。德政府擬于本年十月內專請各國會議。設立無線電信之章程。

▲二十二日路透電。目下南非洲戰事既了。政治悉歸和平。英杜政府擬將杜屬之民犯百十三名。于日內即行釋放。

同日電。杜將多人近在彌日塞士。滄地方。懇請各國捐集巨款。賑卹杜屬貧民。又云英政府現允捐助三百萬磅。然尚覺不敷。因此次戰事。杜國所失。不止此數十倍也。

同日電。昨有杜將數人在澳魯琛登演說。大意謂杜政府擬欲籌借外款。據云已蒙美政府允借銀十萬萬。並云在陰涵蛙演說時。曾得銀四百磅。

同日柏林電。近日紛傳法國與西班牙有聯盟之說。據兩國官場則言並無其事。

▲二十五日路透電。暹羅政府已延聘日本人某君為顧問官。法廷聞信。頗為張皇。蓋以英日聯盟。恐將有圖于暹羅也。

同日電。美國大總統已過返美京。身體強健如常。

同日電。美國品沙兵艦。近復搭載水兵多人。前往巴拿馬海峽。

同日電。日本商務大臣前赴南非洲遊歷。已閱四月之久。茲聞日內擬赴英國。該大臣欲在崇恒尼士拔地方新闢日本商埠。惟以航路未通。尚多阻碍。日政府近已極力籌畫此事云。

▲二十六日路透電。巴黎某報言日本欲施權力于暹羅。急宜極力阻止。否則亞洲各國。將被日本併吞云。

▲二十七日路透電。法國里昂至巴黎之鐵路。有急行火車行駛過速。突衝出線外。致死者二十人。負傷者五十人。其負傷者均係沉重云。

同日電。法國之宗教學校。因事封閉。將軍科刺以非職減其半俸云。

同日電。俄國茲維耶新聞者論巴科多鐵道之建設。防害俄國之利益。俄國宜于亞細亞土耳其其防止法國之飛躍云。

▲二十九日路透電。法國小說家梭刺氏。因居室暖爐之不良。致窒息而死。其夫人亦同罹其禍。不過幸而獲免云。

同日電。俄國大藏大臣維西德。擬往滿洲巡視鐵道。旋赴北京及東京遊歷云。

半月大事 西曆十一月

▲十三日路透電。駐扎非洲中部各英軍。現已調赴索瑪勒應戰。



同日電。倫敦中國會特設盛筵。邀請中英官商。共推英提督錫幕亞。商約大臣馬凱兩君為上座。席間中國會會長克士武宣言曰。此次馬君所訂商約。中英兩國。可共獲利益。實予所深信云云。

▲十四日路透電。智脫各屬亂事紛起。故西班牙某輪船現已駛赴該處。以便接載各歐人回國。英國某等巡艦三艘。亦已開赴該處。蓋因克俾勒士各土酋現又起事。居留歐人實有可危也。

同日電。俄國各官報因法國在地中海水師勢力稍減一事。大發議論。某俄報謂法國此舉。竟視水師如兒戲。亟宜從速整頓云云。

同日電。南非洲英政府已將非洲殖民章程略為更改。

▲十五日路透電。俄國于經營阿富汗利權一事。俄京士民頗為張皇。某俄報云。南非洲戰事既平。英國甚望阿富汗邊國多事。蓋阿富汗禍亂愈多。英人愈易獲利。然有損于俄良多也。

同日電。南非洲英政府前所議之事。現又暫停。

同日電。德政府所訂烏力測達商務章程。各商民均抱不平。屢有煩言。嗣會中人復將此事議有四時之久。刻德政府已擬所定章程。稍為更改矣。

同日電。英國學校各章程。已由代表人在下議院宣讀一次。

▲十六日路透電。比利時國王日前偕同王族中人。前赴聖羅麥士地方。致祭故后。回時中途忽遇叛黨拉鼎洛開鎗擊中第三車。向德漫面部。受傷甚重。拉鼎洛當被拘獲。訊供據稱。冒死而來。實欲謀刺比王也。

同日電。德皇刻已由聖魯利銜前往品羅地方。蓋從郎士德洛伯爵之請也。

同日電。英國兵部大臣博都理曾在的士柏利宣言。謂目下愛爾蘭各亂黨。雖希圖起事。然我英國法之嚴固足以制之。

▲十七日路透電。謀刺比王之犯拉鼎洛。係一著名叛黨。所有王族中人小影。彼皆有之。雖據供並無羽黨。想必係倫敦叛黨特使之來也。

同日倫敦電。俄兵部大臣已諭令在哈爾濱地方設立一部。以便管理旅順哈爾濱。以及滿洲各處軍機一切事宜。

▲十八日路透電。北閩垣地方各官。餞送英理藩大臣張伯倫時。張君曾宣言曰。予此行原為國家大計。非敢藉以自娛云云。聞是日各處商民均懸燈結綵。致送殊形熱鬧云。

▲十九日路透電。英國派往委內瑞拉之兵。大為該處土酋所挫。管帶第四部參將湯洛克受傷甚重。已稟請英政府發兵救援。

▲二十日路透電。英參將湯洛克現已因傷逝世。管帶護營印軍白君冒險率軍進攻該土酋之寨。旋亦陣亡。統計英將受傷者三人。土人受傷者八人。各部英軍現仍極力攻勦。該土酋亦抗拒如前。

同日電。德皇曾諭臣工曰。朕此次遊英。心殊愉快。蓋承英人接待甚優也。

二十一日路透電。德皇乘坐馬車至屈永斯弗地方。登輪時其馬因見黑軍操演驚躍。幸大將亞亦保將馬韉勒住。始免意外之虞。



同日倫敦電。葡萄牙北屬大局刻下甚危。大有不可終日之勢。其故實因農民工人被屈莫伸。以致迫而生變也。

▲二十二日路透電。張伯倫已于一二日前至克利阿遊歷。尚擬往埃登摩伯薩以及阿耿打鐵路遊覽。

▲二十三日路透電。英政府擬于禮拜一早宣告整頓製糖之法。想反對此舉者必不乏人也。  
同日柏林電。天下著名之鐵廠主人。兼理德國克虜伯船島事務。克虜伯君已於昨日逝世。年四十八歲。

▲二十六日路透電。英國下議院現已宣布改良製糖之法。因係大臣哈屈所擬辦法。故人多非之。反對者二十三人。贊成者僅一百二十六人。

同日電。頃為英國每五年調查航海商民之期。查得航海商民較之前五年減少七千一百五十五人。較之前十年減少二千五百五十八人。較之前十五年減少四千五百四十七人。惟外國充當英艦各執事者自一千八百九十一年至今。共增八千七百二十人。充當水手者共增一萬二千二百十八人。一千八百九十一年時。計外國供英國營海商業之職者。得百分之二十。今已增二十六分矣。

同日電。法國礦工前者滋事。現已工作如故。惟魯爾亞各屬現仍停工。  
同日電。克虜伯君已安葬于爾森地方。出殯時。德皇親行送葬。

▲二十七日路透電。英國戶部大臣武烈亦在屈魯瑞地方嘗云。予擬明年四月將英國稅務大加整頓。

同日電。總理英國郵政大臣贊彼廉在下議院宣言。謂一俟東方郵程議定後。即飭各郵輪時常往來英屬北堡尼塢海島。惟該處與英國來往郵件極少。且該處海道未熟。航行頗覺不便。故此尚難籌辦也。

同日電。倫敦太晤士報論及日本政治以及水師房捐各事。謂日本係地球上英勇之人種。如伊藤侯有權在握。其所擬之海軍條議可行。則日本水師必能蒸蒸日上。該報又稱本社極望日本水師日興。房捐可以實行云云。

▲二十八日路透電。英德兩國現擬聯合向委內瑞拉政府要求多款。

同日電。德國兵艦三艘在開洛單備足軍裝彈藥。以便開赴委內瑞拉。想英軍亦必有舉動也。

▲二十九日路透電。英德兩國聯合向委內瑞拉政府要求一節。美政府已知其詳請。

同日電。法國礦工爭鬥。如果不息。則瑪巴勒士地方及地中海水師均屬可危。

同日電。英皇近遣派專使前往波屬德黑蘭地方。奉贈波王官爵。此事當波王在英時已有成言也。

▲三十日路透電。本年十月間俄政府曾照會英國政府。畧謂英國果因俄國現在製糖之故。將俄國赴英糖稅加增。則是顯違英俄通商條約。並聞俄國已將此事請萬國公會公斷矣。

去年泰西大事記。西曆一千

一月一日澳洲聯邦政府成。

十二日普國提出運河法案於議會。



十五日法國提出結社法案於議院

十八日普國舉行立國二百年祝典於柏林

二十二日英女皇域多利亞崩。翌日太子即皇帝位。

二十六日俄皇自黎威亞渣還幸聖彼得堡。

二月六日意大利政府大臣沙拉哥等辭職。越六日新政府成。

七日荷蘭女王與日耳曼公爵亨利結婚。

十五日塞爾維亞前王穆郎卒。

同日英國議會開會。新皇臨幸。

同日俄國商船公司始通航于阿的沙與波斯灣之間。

美國政府加抽俄國砂糖入口稅。每磅約一仙。俄國亦加抽美國入口之鋼鐵及各種機器。約增前率十之二以報之。

十六日德國大將威爾的應俄皇之招赴聖彼得堡。

三月二日英皇咽活第七歸英國。

四日美國大統領麥堅尼復任。舉行就任典禮於華盛頓。

六日德皇出游。有狂人以鐵片狙擊之。傷左頰。

八日英國提出擴充陸軍於議會。

同日意大利議會討論外交問題。於德奧意三國聯盟之局持久與否。為歐洲政海所屬目。

十一日英國駐美公使行文外部言。美國改正之運河條約。英國所以不能贊成之故。

十五日德國議會議東方用兵之軍費。首相秘羅氏聲言。滿洲事件在英德協商範圍外。故德國對此問題。確守中立不輕干預。

十七日俄國學生暴動。事起其原因。由俄國正教會橫斥拖爾斯拖伯。於是學生數千大憤激。揭自由革命之赤幟。發一檄文。內皆掃除民賊。自由萬歲等語。勢極洶洶。禁兵馬上警察兵等與學生大衝突。學生之被逮者七百六十名。是日紅十字會出隊救援。儼然有戰場之觀。

二十二日正教會之幹事長為學生所狙擊。司法大臣內務大臣陸軍大臣。皆得學生威脅之檄。事機益急。俄皇乃開御前會議于宮中。卒收回學充軍之成命。而議設法改定大學制度。

四月英國議院准決砂糖入口煤炭出口收稅之案。

二日德國宰相與意國宰相會於比羅拿驛站。

九日法國政府議長盧梭遊歷意大利訪其艦隊。

十四日德國政府皇太子游奧京維也納。官民皆熱心歡迎之。

二十二日法國外務大臣往聖彼得堡。

五月十六日英國議院准決增軍案。

十八日德皇觀兵於茂普以賀俄皇誕辰。俄使陪輦焉。法人有違言。謂俄法同盟。而俄皇乃遣使臣陪。



侍寇兵於德國所割法地之區。兩國交誼不無少傷。

二十二日法人借與俄國債四萬二千四百萬佛郎。

二十五日奧大利外務大臣臨赴匈牙利之協會。演說東歐外交之方略。

六月四日德國宰相召集各聯邦之代表人於柏林議關稅事。

六日摩絡哥國使節入倫敦。

十四日意大利外務大臣在議院演說外交方針。凡兩點餘鐘。其言極密。

十六日俾士麥石像成。德皇及皇后以至舉國貴官皆臨幸。舉祝典。宰相祕羅立於露天為長演說。以頌俾公功德。

七月三日法國政府將所有與中國交涉事件之黃皮書提出於議會。

七日摩洛哥使節經法國入德國謁見德皇。

德國政府以改定稅則章程發布之於北德意志報。

六日德國前宰相阿肯羅卒。年八十二。

十日俄國公爵亞力山大率海軍艦隊以訪布加利亞國王於黑海海岸之離宮。

十四日德國與意國定界約於紅海南口之地。

十七日英國自由黨前總理沙士勃雷致書於本黨。謂其對於英杜戰爭辦理不善。

二十六日英國自由黨首領查理士格黎二氏在下議院詰問政府辦理中國交涉各條。攻擊其政策。

是月德國以優先權奪取西班牙屬之科埃能坡島。島在亞非利加西岸。與德屬卡迷之地相鄰。產椰子及珈琲。

八月英國啓彌兒將軍以南非總督之資布告波亞人。謂若逾九月十五日猶不降服。則將竄放其種於他地。永不得住于南非。

英國派遠征隊于亞丁附近地方。

五日德國皇太后崩。年六十一。

十一日意大利建國元勳格里士比卒。年八十二。國王發極懇摯之電文以弔之。

二十六日法國駐土公使下旗歸國。因法人欲自以資本開設船澳公司於土耳其。兩國政府議論不合故也。

九月六日美國大總統麥堅尼臨於博覽會。被無政府黨人所狙擊。以十三日卒。去副統領羅斯維繼為大統領。

土耳其派陸兵三萬於巴梭拉。欲據哥威英國調集兵船於波斯灣。以防止之。歐洲耳目大為聳動。

英皇及皇后行幸丁抹。時俄皇及其后亦在馬。屢以家人禮相會合。

十一日俄皇行幸丹極。觀德國海標。句留三日。與德皇相會數次。

十七日華俄銀行開售蘆漢鐵路股份票於柏林。

十八日俄皇及皇后行幸德國。法大統領出迎於宕卡港。登岸後在市會議堂交相演說。遂同乘汽車。



以入康皮

二十一日俄皇與法大總統領觀兵於畢尼。交相演說。散會後俄皇歸國。

二十八日阿富汗王亞布打拉們薨。太子嗣位。

十月二十四日英宰相沙士勃雷蒙召自阿普士休沐地歸倫敦。蓋英皇欲於加冕以前了結南非洲戰事。特召與商議云。

二十五日英國理藩大臣張伯倫氏在埃及巴拉地方演說。引普法戰事前例以解釋英人在南非之野蠻舉動。德國輿論大為不平。

德國新稅則頒行。列國反對之議甚囂。德相極為狼狽。

十一月德國民間財政益困難。沙格梭尼之大鐵廠倒閉。

十一日土耳其皇帝將法國要挾各事一概允許。法土之交如初。

十五日美國各大鐵路公司聯合成。

十六日德國聯邦會議准決新稅則案。

二十四日德國駐英公使赫非兒卒。赫氏者德之老外交家也。

十二月四日美國新大總統下教書。聲言一遵前統領之政策。

七日美國與英國結立運河條約。公布之。

十日俄國聲言德國新稅則若施行。則俄國必有以報復。

同日澳洲聯邦議院准決限禁外國人入口之案。

二十三日智利與亞爾然丁因界約起釁。

美國戶部大臣倪智辭職。以施岳氏代之。

一月大事記

西歷一千九百零二年

▲一日倫敦電。聞德政府照會威尼蘇拉國。言所索賠款二百萬元。如無抵押。即須開戰。

▲二日路透電。去歲一年內。杜軍為英軍殺傷及投降者共一萬四千八百八十七名。

同日電。英京各報館近得杜京勃利多亞訪事人函。均主添兵之說。以備與杜人久戰。

同日電。古巴近已公舉巴爾蒙為總統。此為古巴自脫西班牙羈勒後第一總統也。

同日電。英海部現已諭令本國某船廠增造戰艦兩艘。所配砲械極臻快利。天下無匹。另又做此建造

一等帶甲艦五艘。護巡艦兩艘。

▲三日柏林電。德派駐威尼蘇拉國公使。近照會該國總統。告知德國所索各款。並云。此項照會。並非哀

的美敦書。並聞威尼蘇拉總統刻已將亂事平定。惟亂黨首領佛乃棟提督。則已全軍覆沒矣。

▲四日路透電。巴拿馬運河公司。已將所有產業售與美國政府。計得金洋四千萬元。

同日電。英國現又籌備軍械一萬二千件。運往南非洲開普殖民地。預備攻擊敵人之用。

同日電。英國製備寶星三等。給水陸兩軍將士。上年在華曾立戰功者。一奪大沽砲臺。二保各國使署

三救援京城之圍。



同日電。南美洲亞爾然丁並智利兩國。前因爭界。幾至決裂。旋經調停。妥協。定約言和。茲因發押該約之故。又起爭端。殊岌岌。

▲五日路透電。南非洲杜軍達威脫提督。飭波亞各將。官力阻英軍建築砲臺工程。不日必有大戰。

▲六日路透電。英軍一小隊。日前在下郎克斯脫。為敵人伏兵所襲。兵勇戰斃六人。受傷十三人。兩軍相持兩點鐘之久。杜兵旋即退去。

同日電。四日英軍在柯連治與杜人接戰。除殺斃旗長一名外。又獲旗長二人。兵勇三十三人。

▲七日路透電。英國練兵自告奮勇。願往南非洲助戰者。其數日眾。又有澳大利亞民兵三千人。亦將往助戰。此一禮拜內。英軍所擒之杜兵。計有二百七十八人之多。

同日電。相伊藤侯已蒙英皇贈送寶星一面。

▲八日路透電。德相復洛孚云。意法兩國。今雖另立專約。然德法意三國聯盟之事。並無變動。

同日電。德戶部大臣在議院聲稱。近因商務衰落。以致稅項大形減色。為歷年所無。

同日電。三四兩日。英副將壁蘭爾與杜將寶薩戰于埃麥斯爾脫地方。杜兵終被擊退。壁副將所部之兵。惟某步隊受創獨甚。除某都司並其兵士十九人戰没于陣外。又受傷三十三人。

同日電。據某報派駐美京華盛頓訪事信稱。美總統羅斯維。茲已降諭。令于菲律賓島沙畢格處。創為水師軍港。以備各美艦聚會之所。

▲九日路透電。英皇諭令法京巴黎英公使。將皇所贈日相藤侯寶星一面。齎赴日使署。代呈伊藤侯收。

納。

▲十日路透電。英兵部業已諭令義勇軍步隊。整備戎裝。以便遣赴南非洲。更換期滿之軍回英。

同日電。德相在議院痛責某員。不該詆毀英藩部大臣張伯倫。以及誹議英國陸軍各情。並謂德宜與英敦睦和好。惟望後此兩國永無間言。庶無傷交誼。

▲十一日路透電。德皇前美國紐約船廠。定製御艇。以應賽船之用。該艇將次竣工。皇擬遣派亨利親王前往美國監收。

同日電。杜將底威特帶同所部千餘人。擬越鐵路而至考郎斯德北境。旋被英軍擊向東方而退。現英將衣里阿率兵追之。

▲十三日路透電。英副將亨密敦所部之軍。近十日內。在某處殺斃杜兵百零五人。

同日電。據一杜軍醫稱。前四日杜將寶薩帶隊與英軍鏖戰之日。杜兵死有五十二人。負傷者七十三人。

同日電。美國因聞德皇將遣亨利親王赴美接收。在美定造之御艇。政府已籌辦一切供張。以備迎迓。同日電。德奧兩國。近在德京向民間籌借國債。均以三釐行息。奧借九百二十五萬磅。德借五百七十五萬磅。以補度支之缺。

▲十四日路透電。德國提督拜畢蘭。齎送德皇親筆手書一封。赴英呈遞英皇。英泰晤士報論其事曰。前者德皇寄書英故后維多利亞時。亦係拜提督齎往。其時英德兩國。因有猜嫌。以致德皇發電奉賀杜。



總統此事人所共聞也

同日電。據伯林信稱。拜提督此次查信赴英。與政事並無關涉。

同日電。德皇擬遣禧武里克親王赴英。奉賀英皇加冕。

同日伯林電。希臘京城有狂夫謀弑希王。惟事未成。而計已破。誠幸事也。

▲十五日路透電。英皇已准凡在英皇屬下洛塔並廢塔埃及各處戍防團兵。遇有戰事。亦當一體賞獎軍牌。其帶亦照獎給南非洲兵士軍牌之式。衛隊一千三百人。經英皇親臨校閱後。即行附輪前往南非洲。

▲十六日路透電。倫會務會宴請駐英日公使到會。籌議英日兩國商務。時日使在席間嘗稱英之製造各業。于日本商務場中。已臻極盛。

同日電。英皇本日至議院演說。間多論及英太子及其元妃遊歷各屬。並南非洲各軍忠勇之處。又謂各國現在會議糖稅一事。惟望其可以避免也。

同日電。意大利國王業已接見日相伊藤侯。並以一等寶星贈送。

▲十七日路透電。英外務大臣芝斯敦。謂現在南非洲英軍共二十萬人。國中並無空餘兵房。以容此軍也。

同日電。英兵部大臣近在下議院宣言。外部大臣芝斯敦。前嘗向駐英德公使剖白。理藩院張伯倫所言各節。並非譏議德國陸軍。

▲十八日紐約電。美國議院近擬設一新律。不准華人旅居菲律賓。

▲十九日路透電。英軍日前在好望角進攻某處杜營。都司一員並勇四人均經戰沒。另又受傷五人。

▲二十日路透電。泰晤士報派駐南非洲訪事電稱。杜蘭斯哇東部一帶杜兵。因被英兵俘獲。茲已全軍素亂。

同日電。英海部近已飭製滅雷艦十艘。每點鐘速率。但須二十五海里。勿庸過快。惟船身當配造堅固。煤艙並可多容煤炭。

同日電。英理藩院大臣在下議院宣言。所云杜已派員求和一節。係屬謠傳不確。

▲二十一日路透電。英政府茲已告知澳大利亞並新西蘭兩英屬。令再各遣軍一千人前赴南非洲助戰。

同日電。法外部大臣謂。荷蘭與兵會若干。預杜國之事。則必致戰禍。繁興。故該大臣為忠勇所逼。不得不出為禁阻也。

同日電。英戶部大臣宣言。所云糖片免稅一節。本大臣並無建議及此云。

▲二十二日路透電。上年英國共計派兵八萬一千人。馬十二萬九千匹。前赴南非洲。

同日電。被俘之杜兵在北瑪達者。近有三百人。聯名具稟英政府。懇請釋放回籍。並謂該兵等願設誓回國之後。不預戰事。並當極力勸令杜人早日言和。

▲二十三日路透電。英外部大臣科連邦在下議院宣言。政府無論如何。斷不能將在波斯海及波斯南



部各處應得之權利悉行棄去。

同日電。基將軍稟稱日前梅士恩統領率同所部與杜兵接仗。且戰且走。至八英里之遠。終在某處奪獲軍車一輛。兵二十四名。貨車九十一乘。牲畜驢馬二千餘匹。

同日電。英統領亨密敦俘獲杜將寶薩部下之兵二十七人。

▲二十四日路透電。英某議員在下議院宣言。杜國並無遣員求和之舉。政府亦並未得有此信。

同日電。日相伊藤侯已附德國公司輪船名膠州者。由歐洲過返日本。

同日電。丁林國將美洲西印度所屬之各島。售與美國。業經彼此簽押。妥為交割。

同日電。英外部大臣科連邦在下議院宣言。倘各國若在波斯國沿海一帶佔領埠頭。則是與我英對波之政策適相反對。

▲二十六日路透電。英威利親王赴德慶賀德王萬壽。行抵柏林時。德國官民接待威王禮極優渥。

同日電。英基將軍已飭部下之杜統領比洛尼招募杜兵一千五百人。以助英軍。蓋欲以杜人攻杜人也。

同日電。杜將畢樂莊近在霖登勃左近。已被英軍捉獲。擬基將軍電稱。畢樂莊得以拘獲。北方一帶杜兵必當有所戒懼也。

▲二十七日路透電。德皇加封英太子威利為德國某陸軍元帥。

同日電。杜將聯麥進攻佛蘭福附近。英副將威樂生營處。終被英軍擊退。傷亡兵士十人。

同日電。英統領登蘭麥于正月二十日率隊遠行。卒至斯登德士敦之東北境擒獲杜兵三十六人。

同日電。英哨兵一隊在某處被杜兵多人圍攻。計死傷十三人。就擒四十一人。

同日電。英某大臣在下議院宣言。近得丹廷來文。議及杜國之事。政府現在籌商如何作覆。一俟定議。即當佈告在院諸君知之。

▲二十九日路透電。英政府擬籌款五百萬磅。備抵軍需費用。至本年三月三十一日止。當于下禮拜五日送交議院會議。

同日電。荷蘭並無代杜國向英議和。不過一試調停其事。冀英杜兩國得以早日息戰。至于言和之舉。必俟杜人決計罷兵而後再議。

▲三十日路透電。杜將底威特所部之兵。在阿連扶利之東北方。經英軍輒往搦戰。勿使休息。蓋防其磨集一處也。

同日電。據基將軍稟稱考飛芳廳之戰。我軍陣亡副將一人。兵勇八人。外又受傷七人。

同日電。英國致荷蘭政府之覆文。明日可到。弭兵會。然必俟下禮拜方能宣示。

▲三十一日路透電。考飛芳廳之戰。英軍中陣亡副將一人。兵勇八人。是役杜兵乘夜進攻。經英軍竭力抵禦。彼此猛戰多時。杜兵終至敗退。

同日電。英兵部大臣在下議院出所擬估計南非洲軍需額外備用之數。並謂一月一日以後。英軍在南非洲者計有二十三萬七千人。目下尚有敵軍三大隊。未經征服。即底威特寶薩並底拉利等所統



之兵是也。故必續籌糧食。以資接濟。至所需若干。宜備足以供驢馬二十萬八千匹。俘虜之杜兵二萬七千人。並杜民戶口十五萬家。方可敷用。並云刻下南非洲兵費。較前月已減少一百萬磅。

二月大事記西歷一千九百二年

▲一日倫敦電。聖彼得堡有一新聞名俄羅斯者。因觸政府之忌。諱致被禁止編輯。人追放于國外。屬稿者被流于西伯利亞。

同日電。英國支哥摩刺將軍。被敵兵夜襲。激戰之後。杜兵卒被損害而退。

▲二日路透電。英國陸軍衙門出示。諭招民兵九大隊。

同日電。英國下議院已允籌備新增兵費。

▲三日路透電。杜將德域脫部下親兵。在威路耶地方。襲擊英國之輕騎隊。但俱為大砲所擊退。

同日電。新西蘭殖民地首相瑟敦氏。在阿黑郎地方。親送出該地新募兵隊往南非洲助戰。並云如不敷用。願再送第二十隊前往。

同日電。傳聞英政府將不允受荷蘭代杜國議和之請。此事人多信之者。

同日電。據荷京海牙府傳。說荷國將再代杜國傳遞重訂和議各款。故所商各節尚須展緩日期。

▲四日路透電。英巴洛發爵員在下議院宣言。彼想明日可將荷蘭來書在該院宣讀。

同日電。曼士達伯爵在南非洲偶遭不測。死于非命。

同日電。有一新西蘭土人已編成隊。願為英政府効力。作衛城兵。或作別用。倘有要用。另有五千人亦

可委調。

同日巴黎電。法大總統羅耶氏及外務大臣麥路加些氏。擬以六月中旬出遊俄國。

同日電。荷蘭政府尚未接英國之覆文。荷蘭內閣已與駐本國各使臣會商多次。

▲五日路透電。外務大臣藍斯敦世爵。回覆荷國政府云。英政府深嘉荷政府之舉。但英不能受各外國

干預南非洲戰事。且云此種事件。宜在南非洲商議。不宜在歐洲。更須杜國首領親與英將軍統帥面議。

同日電。英皇允受屬地之兵六隊。遣往南非洲助戰。

同日電。英各報紙咸以藍斯敦世爵答覆荷國之詞為然。

▲六日路透電。據英將軍呈報。百陰參將攻杜將威些路士于倭刺斯近地。奪回法門參將所失大砲兩尊。並杜將底威持之快砲一尊。敵兵被殺者七人。受傷者二十七人。

同日電。英首相沙侯在青年律例會宣言。現在吾英尚有許多緊要事情。過於南非洲之戰事。其最要

者係管轄阿爾蘭所有之權。若英稍有疏忽。則受害匪淺矣。

▲七日路透電。英黎達游擊殺杜將德拉利所部營下兵士七名。生擒一百三十一人。杜將亞拉勃亦在

內。

同日電。英巴洛爵員在下議院宣言。前荷蘭代杜國議和公文。已抄錄一分于本月一日寄往南非洲

總帥密兒那將軍。且命其電達英將軍。與杜人在戰場者商議。

▲九日路透電。杜將麥利斯已于前月三十一日就擒。



同日電。在聖希利那被押之杜將軍恩君已願率領一隊在英軍効力

▲十日路透電。杜將底威持于本月六日為英軍馬隊所圍。當時彼即遣散手下兵士各自逃生。自己却驅一隊牛馬。撞破英軍營柵。隨即雜于牛馬內。逃出軍圍。杜軍兵士死傷被擒者計共二百八十三人。馬匹獲有七百匹。內有死者若干。英兵死傷無多。

▲十二日倫敦電。英日兩國聯盟經已畫押。約中大要係合力保全中國朝鮮。遇有戰爭等事。須兩國互相協力幫助。

同日電。英日兩國所訂聯盟之約。期限五年。未滿期之前。無論彼此欲將該約作廢。必先一年知照而後可。

同日電。英日兩國所訂之盟。均志在保全遠東之和局。並欲扶掖中韓兩國。俾勿失主權。各國所佔利益。務期一體勿得稍涉偏倚。約內列有六款。內載英日兩國倘被他國嚇以已甚之舉。彼此必會同妥籌善策。以保兩國之權利。至與他國開戰。敵有數國或不獨一國。彼此必互相援助。若敵僅一國。則必嚴守局外。不在前約之列也。

同日電。英日兩國既經聯盟。彼此不再與他國聯約。庶免有礙前盟。嗣後兩國凡遇危機。兩政府必互相發電。妥商辦法。

▲十三日倫敦電。歐洲各報議論英日兩國聯盟。實因防俄起見。使東亞得享昇平之福。且亦大有裨于美。想美國聞之。必樂然也。

▲十四日路透電。英外務大臣在下議院宣言。此次英日兩國所訂之盟約。不徒擔保中國各省土地。即滿洲亦在其列。其中條約。未經刊布之先。業已一一電告美政府。至英德盟約。仍然遵守如前。

同日電。聞俄國得悉英日兩國聯盟之信。坦然無介。但言甚善其事。緣欲扶植中韓兩國。勿使損失主權。正為俄人平日之政策也云。

▲十六日路透電。英國估計本年水師費用。約需英金三千一百二十五萬五千磅。陸軍共有四十二萬人。估計約需六千一百三十萬磅。

同日電。英馬步隊一百二十餘騎。在某河附近巡防。忽被杜軍圍擊。因眾寡之勢懸殊。致失兵士十二人。受傷四十八人。

同日倫敦電。英海部現擬建造新式兵艦四艘。速率務極其快。又另製沈行水中之魚雷艇四艘。

▲十七日路透電。奧國脫力愛斯地方。忽有工人罷工滋事。茲已派兵前往查辦。

同日電。所云英馬步隊在某河左近遇敵一節。該軍隊因初到南非洲。不諳杜人之詭謀。致有是敗。至所失人數。內有都司一員亦在其列。

同日電。丁林國所屬之西印度島。售與美國。茲已議定。彼此業已簽押蓋印矣。

▲十九日路透電。十六日英統領意陸所統之軍兩隊。與杜將底威持所部之兵。接戰于烏里諾西北三十英里某處地方。是役杜兵被獲者共有十人。

同日電。西班牙官軍。近日在巴西羅尼亞城外。與同盟罷業者疊次接仗。該處居民均被攻擊。寺院一



所並遭焚燬。官軍馬隊當衝突之際。各窗門處大發鎗火。以至受傷甚眾。

▲二十日路透電。德議政院近已核准在華德軍兵費五百萬馬克。緣天津德軍行將遣撤。至所請一百萬馬克以作遠東水師經費。業已議駁不准矣。

▲二十一日路透電。西班牙國巴西羅尼亞亂黨滋事。當十八十九兩日。官軍與匪接戰。死傷者共二百四十餘人。

同日電。西班牙亂黨現已蔓延至西武利哥薩及中央各屬。

同日電。昨羅馬城慶賀教王授任五十年之期。時百姓聚集至七萬餘人之多。

同日電。英海部某大臣在下議院出預估本年水師軍費時。對眾宣言曰。本年政府當建造兵艦八十七艘。內有十六艘年內諒可完工。以備附列入軍云。

▲二十二日路透電。英副將帕克帶同哨兵三百人出敵不備。突入杜營。擒獲杜兵百六十四名。

同日柏林電。意大利近日甚為擾亂。內閣辦事各大臣已一律辭退。

▲二十四日路透電。杜將底威特偕其部下各軍現在阿速河屬某處地方駐紮。

同日電。德親王亨利已到美國華盛頓。業已進謁總統羅斯維矣。

▲二十五日路透電。美國上議院現已將非律賓稅則章程一律議定。

同日電。英屬加拿大辦理禁止支那人及日本人前往委員。現擬請政府將支那人入口身稅。由一百元加至五百元。至禁止日本人之條議。現尚未定。

同日柏林電。美總統羅斯維氏在華盛頓迎迓德國亨利親王。並言德國以前所行政策。予深欽佩。現在政策亦頗善。日後必成大業。尤望兩國邦交日益親密。亨利親王答以深望彼此和睦。歷久不渝。俾期互得利益云。

同日電。今日紐約地方舉行德皇御舟下水之禮。並將美總統女公子之名名其舟。此為亨利親王赴美最要之事。

▲二十六日路透電。俄京聖彼得堡及別處大學堂學生。近日復有不靖之事。勢甚洶洶。該學生等因之以驟舉動者。大半為政治上起見也。

同日電。德國議院會議關稅董事。因各議員阻撓新定稅則。故于是日在議院中議將釐稅加增。其餘各稅則亦酌量刪改。並聞各輔政黨均允照政府所定章程辦理。

▲二十七日路透電。南非洲克利克斯陶巴地方附近某處之英軍護衛營。為杜兵攻擊。英軍力戰良久。仍為杜兵將營佔據。是役死傷之數及詳細情形。均尚未知。

▲二十八日路透電。英相沙侯已命英人立一自由黨。已則為其正領袖。該黨須與原有之自由黨彼此聯絡。同心辦理各事。又該黨雖未與現有之自由黨分離。惟應恪守沙侯在中央英國斯忒斐地方宣明之宗旨。

同日電。加拿大辦理禁止華人入口委員。現已除將前此寓居華人增收丁捐外。又禁止華工以後不准前來。並須與華政府訂立一約云。



▲一日路透電。據二月二十八日所報英軍兩日來在某處與杜兵疊次接仗。前後共陣殺並俘獲敵兵六百餘人。外又奪得戰馬二千匹。牲畜二萬八千頭。杜將底威特之子並秘書官一人。均在此次被擄之列云。

同日電。法國首相華特克盧。因乘車公出。途次與電車相撞。致座車翻覆。身受重傷。現已稍痊。同日電。基將軍信稱。英軍前在某處曾被杜兵擄去官弁十六人。兵勇四百五十一人。茲有一百六十人。業經放回。惟某營營帶副將恩德森仍被拘留。

同日倫敦電。印度般植畢地方。近日黑死病甚猖獗。一日死亡之數。以數千計云。

同日電。據各私報。俄國學生動搖之事。現莫斯科大學之周圍。皆築壘而將為激烈之爭鬪。至其詳細現尚未知。

同日柏林電。美國各屬接待亨利親王之禮。頗為優渥。柏林官報極嘉許之。即各日報亦均稱贊該親王與美總統等問答之詞。並各日報請其宴飲時宣言之事云。

同日電。法國之明年預算表中。尚缺少一百七十五兆佛郎。蓋較今年已增一倍云。

▲三日路透電。南非洲克利克斯陶巴護衛兵隊之役。除前電紀其死傷之數外。尚有兵弁五人。兵丁四十五人。死于是役。其受傷者尚有兵弁二人云。

同日電。馬康尼氏現在英國某處公司船上。約距英國一千五百五十英里之遙。得接由康哇爾地無

線電報寄到。此項電報將來諒能遍及地球矣。

▲四日路透電。據基將軍信稱。副將恩德森前在某處遇敵擊敗。並非空軍一輛。茲已同其部下將官九人。兵勇二百四十五人回營。

同日電。基將軍信稱。前禮拜內杜兵陣亡者共八十四人。被擄及投誠者共一千零八人。

同日電。英兵部大臣云。南非洲軍前應用之戰馬。本大臣並無少懷吝嗇。稍為節制。且近三十個月內。所有牲畜或從事他處運往。或在就地購買。前後共計已有五十五萬匹云。

同日電。德相步陸伯爵。在議院宣言。我德國在東亞政策。自英日聯盟後。毫不改動。緣此事于德國利益。並不有碍。我德國亦不欲在中韓兩國侵佔土地。惟須保護我之商業。與一切權利而已。至于山東等處。不過作為各國通商口岸。我德國並非獨擅其利權也。蓋我德國原不欲在中國沾有利益。惟須與各國不相上下耳。

同日柏林電。美國文部大臣。現欲將亨利親王至美之事。編紀一書。其所以著此書之故。並非于政治上有所指斥。實因德人向在美國經商。此次該親王來美。兩國交誼愈形聯絡。並以美人接待該親王之禮甚為優厚。故著此書以誌欣幸。

同日電。各國會議糖稅之約。現已簽字。所有將來出口糖稅。禁行豁免。其進口稅。自一千九百三年起。僅徵佛郎六枚云。

▲五日路透電。據司丹達報訪事信稱。日前英軍護送糧車遇敵擊敗。車為所奪。先英軍嘗擊退杜兵兩



次嗣因敵軍三面圍攻。衝突入陣。英軍隊伍始被截散。間有某營之兵猶能奮勇苦戰。奪路而出。惜終被敵獲。是役杜兵死者三十人。傷二十八人。

同日電。英兵部大臣在下議院出估計本年陸軍費用時。嘗云陸軍兵勇將來當常備兵籍三年。後備兵籍九年。其新糧自日一先零增至十八便士為止。

同日倫敦電。英人考爾樞哈君。日前在中央亞洲會演說英國于東方政策。謂波斯灣于英國之關係。與數年前在北直隸不相上下。並謂現在英國所行政策。竊恐印度東邊界大有危險之狀。似宜將印度鐵路推廣至守斯吞及彭達辣排斯等處。或可免于危險。否則難以設想也。

同日電。俄國各報。以日人至滿洲者日多。深為不平。特著論說。言日人至東三省之意。實係為間諜起見也。

同日電。歐洲土耳其之北修維爾爾國京都。今日有亂匪圖謀不軌而不成。匪首業已就擒。正法。從匪之被獲者亦不少。

同日電。美國紐約省議政局。刻已將嚴辦無君黨之律例頒行。並稱謝荷政府願出為調停戰事一節。彼等謂目下。英政府之意。仍欲將我杜國隸于英屬。故波亞黨亦不能與英會議一切也。

同日路透電。美總統羅斯維及其宰相。已于日前接見波亞黨專使哇馬拉姆斯及威瑟爾斯二君。以私禮相。美總統聽該二使言論要事。至十五分鐘後。即言我美國實不能効力。亦不欲干預南非洲戰事。

▲七日路透電。英杜南非克利克斯陶巴之役。英兵之被拘者。除前已釋放外。現又釋回一百餘人。照常存營聽用矣。

▲八日路透電。法國外部大臣近在議院宣言曰。英日兩國聯盟。意在保全中國而已。俄法在遠東之政策。因亦無事更張也。

▲九日華盛頓電。前者美總統女公子擬赴倫敦慶賀英皇加冕之禮。茲不果行。

同日電。菲律賓巡撫志夫脫君。在美京與政府會議。非律賓一切事宜。並言甚望美國于一千九百零四年以內。許菲律賓為自治之國。不為干預。

▲十日路透電。英皇將于日內至法國彌斯地方游覽。尚須往巴黎京城駐蹕兩日。與法總統相會云。

同日電。基將軍電稱。副將林明敦近獲得馬亨尼槍彈三十萬顆。李密甫槍彈一萬顆。另又開花彈並開花信子數百個。機器砲一尊。

同日電。非律賓稅章已經美總統簽押。

同日電。英將軍梅士恩同其所部弁兵二百餘人。並砲四尊。及他輜重等。已于七日時被杜將底刺利悉行擒獲。

同日電。梅士恩將軍一臂受傷。已被敵軍俘獲。是役英軍中死有四十人。傷有八十人。此外被擒者尚有多人。



▲十一日路透電。梅士恩將軍腿際受傷。現在拘禁杜營。杜人待之頗善。是役英軍陣亡人數官兵合計有三十八人。受傷者官有五員。兵有七十二名。此外另有二百餘人。皆查無下落。梅將軍是日所部之兵共一千二百人。杜軍有一千五百人。其所穿之號衣。幾與英軍無異。

同日電。英兵部大臣在下議院宣言。茲有鄉勇兵六千名。下月當可附輪前往南非洲。另有大隊馬兵步兵並戰馬等均已齊備。

同日電。英下議院得讀基將軍稟報梅士恩統領失利之信。眾多譏笑愛爾蘭民籍之無用。蓋梅士恩本籍隸愛爾蘭省云。

同日柏林電。俄人現在聲明此次各國因美國措置西班牙政策不善。大加訾議一事。並非俄人主見。實係英國駐美公使引誘各國所致。

同日電。俄政府刻向法國訂借佛郎四百兆枚。即以中國應償俄國賠款作抵。

▲十二日路透電。歐洲各國聞梅士恩統領在南非洲敗績之信。無不為之憐惜。所譏議者。惟有數家不甚著名之新報耳。

同日電。英皇各從大臣之請。業已諭告愛爾蘭某爵紳。謂朕同皇后本年弗及臨幸愛爾蘭省。心甚歡焉。

▲十三日路透電。尼加拉運河之業。美國下議院已經議准矣。

同日電。敵將底威特及斯克銀兩人。以上一禮拜日入夜在倭威士托之北。橫斷鐵路。進於西方。或曰兩人將投多拉列軍也。

同日電。英國陸軍大臣普羅多列演說。梅士恩將軍約以本日到克列克斯陶巴。其病已稍全愈云。

▲十五日路透電。英國皇帝所以罷論臨幸愛爾蘭者。固由下議院愛爾蘭議員之舉動。而亦因愛爾蘭黨激昂殊甚。往遊其地殊無趣也。

同日倫敦電。白壘斯福卿在倫敦商業會議所。因國防設備之事。極言行政衙門之無能。大倡改革之說云。

同日電。据在梳林之試驗。破潛水艇。斷非難事也。

▲十六日路透電。英屬烏絲倫刻又派兵一千名往南非洲助戰。

同日倫敦電。聞愛爾蘭近有一稱聯合會。舉動皆足盡惑人民。英相沙侯已于近日在議院中明指其非。而政府至今尚不禁止。一任其勢。較增長殊可惜也。

▲十七日路透電。英軍五千人定于本月底附輪前往南非洲。

同日電。日前英軍追襲杜兵。至本月十一日始止。所得地面甚為廣遠。從前該處為杜軍存儲兵備之用也。

同日電。前日英軍所獲之杜兵。中有將領一人。身已受傷。

同日電。英皇茲擬暫緩里伯利亞之行。但就本境駕坐御舟巡行。



同日柏林電。俄國現向德俄荷三國商行宣借馬克三百九十三兆枚。以四釐行息。即于該款中提取若干為在華俄商因亂中受虧索賠之用。

▲十八日路透電。英統領佛芝茨近又擒獲杜將二人。並兵五十人。

同日電。英統領亨密敦陣擒杜將恩默特。及其所帶之軍車。並殲斃殺傷二十六人。

同日華盛頓電。美政府現派提督克郎寧修至歐洲海面。以統在彼處海面之美國水師。為克郎米爾之代。蓋以克郎米爾已告退歸田也。

同日電。美國陸軍總帥馬爾士君。刻經奏于政府。請調之往菲律賓。統率該處美兵。以平亂民。美總統以如改政策。不足以對現在駐札菲律賓之各將領。故未應允。

▲十九日路透電。司丹達報稱。俄國向德國借定國債千九百五十萬羅卜。週息四釐。

同日電。英海軍大臣某爵論及籌防威海衛。嘗謂我英政策向係建造兵輪。增益水師兵力。以固我疆。固無事糜費于陸軍。

同日電。俄法兩國駐英公使。近嘗備文分告各國。略謂聞英日兩國聯盟宗旨。係為保護東方和局。並欲中韓兩國主權無墜。庶期大開門戶。以與天下萬國共其利。凡此各節。固與俄法兩國所主政策無少差異。故兩政府聞之。均甚喜悅云。

▲二十日路透電。杜將底威特並斯他銀等。現在倭威斯托地方。該處在鐵路之西。

同日電。倫敦新黨總會于日前設席宴賓。大會同人。以誌英日兩國同盟之會。日本駐英公使亦與斯會。

同日電。澳洲議政院各紳董。茲已議定擬將茶葉一物列入免稅項下。

▲二十一日路透電。澳大利亞因從英國理藩院之請。擬再遣兵二千前往南非助戰。

同日電。英國某報派駐巴黎訪事來電。俄法兩國以英日同盟一事。備文分告各國。其命意之所在。更覺顯而易見。且俄欲助法。蓋欲以報法在東方曾為俄助也。

▲二十二日路透電。日前英國議政院議事時。理藩院大臣張伯倫對眾宣言曰。南非洲某屬之土民。隸入英軍効力于疆場者。共計不下二千五百人云。

同日電。荷蘭政府擬與德國訂立約章。會同撥款津貼某電報公司。以便從荷屬印度之西利卑設線。以接美利堅至菲律賓之線。再經由壁溜島而達上海。其意在自造一線。經由美國而抵歐洲。勿須仰藉英國之電線也。

▲二十四日路透電。據南非洲斐托里亞路透訪事來電。杜政府之大臣五人。茲由某處乘坐專車。外懸白旗。已行抵斐托里亞。英國各報謂杜人此舉。莫非為議和而來也。

同日柏林電。英國現與波斯國立有一約。由波斯國之加慎地方築一電線。通至波斯國與俾路路。斯坦國交界之處為止。聞此綫將來租與印政電綫公司承辦云。

同日電。有德國練軍船名查樂者。現載德皇之三子阿達伯前往美國紐約游歷。

同日菲律賓電。美國議院現議定一新例。凡以後有人謀弑總統者。則該兇手當處以死罪。其與之同



謀者則定以監禁之罪。並設勇士若干名。常在總統左右以為保護之用。現在美國元老院中辦此新例之專員。欲請議院即行批准云。

▲二十五日路透電。杜蘭斯哇政府所派之委員數人。與基將軍晤會之後。隨即趨向南方。以見斯他銀總統。

同日電。英國聞杜人近日之舉動。國中公債行情業已增漲七分之二。且議院中各員。均謂所事可望有成也。

同日電。本年西六月二十六日。為英皇加冕之期。是日與翌日各銀行及各商業等。當一律休業。以伸慶典。英皇萬壽典禮。茲已擇定西四月三十日舉行云。

▲二十六日路透電。基將軍已遣部下某中軍。並他武員等六人。偕同杜政府所派之議和委員數人。前往庫倫斯德。

同日電。澳政府茲已議定不再覆議茶稅之事。據英泰晤士報駐澳訪事信稱。茶斤免稅。國中各屬已有力阻之者。但澳廷未必收回成命。允為翻政前議云。

同日電。美國已定于西五月二十日。將現在駐防古巴之軍隊。悉行遣撤回國。所有一切事宜。由古巴自行管理。從此以後。古巴即為自主之國矣。

同日電。日本見俄法聯盟文告。並不提及高麗一語。是以議論紛紛。大抵高麗之事。歸由俄人獨自承當。而公論則謂目下彼此均各厚集雄師。勢必不能遽啓兵端也。

同日柏林電。法國外務大臣在下議院答法國在東亞政策之問題。曰。法國于東亞之政策。從無變動。惟各國若有侵掠中國土地之事。非特于中國主權有碍。即法國東亞之利益。亦有密切之關係。自得

出為干預。甚望各國永守和平之局。俾中國有自主之權。則各國商務亦得蒸蒸日上矣。

▲二十七日路透電。英某統領等日前帶兵三隊。追擊杜將威拉利。旋奪大砲五尊。俘獲杜兵一百三十五人。又牛馬牲畜甚多。于二十四點鐘內。蕩平八十英里之土地。

▲二十八日路透電。杜蘭斯哇主戰者洛治氏死云。英國優以國葬之禮。並命埋葬于馬院支波丘。將以西四月十日開追悼會于仙施波洛寺院云。

同日電。杜蘭斯哇講和使節。已與杜軍統領斯他銀君會晤。現回至庫倫斯德地方。

同日電。據基將軍之報告。英軍近又捕虜杜兵百七十九名。

同日電。土耳其政府現召集豫備兵九萬名。其故因土耳其所轄境內馬西托尼亞頗有亂萌。故添兵以備不測。

▲二十九日路透電。據斐托里亞路透訪事來電。社國所派議和人員。擬求阿運治自由國之前總統斯他銀君代為與英國開議和局。然尚未應允也。

▲三十一日路透電。德首相發洛孚。與意大利外務大臣相晤于意國之維尼斯地方。德國各報皆稱說此事可使德意與三國連盟之約。仍復接續。以共敦睦誼。

同日電。現照英國之預算表觀之。本年進款有一萬二千二百九十九萬七千磅。比較去年進款。實盈



餘一千二百五十萬磅。

半月大事記西曆四月  
上半月

▲一日路透電。加拿大運船。載已駛抵奎因斯湯。船內所載各犯。內有澳洲二人。因用鎗擊斃杜因。故已判定監禁終身之罪。另有澳官二人。已經處斬。所犯罪與前同。

同日電。丹國首相尼派現已啓行前往北京及德京兩處。據稱尼相此行。乃為杜人介紹。蓋欲勸令德廷扶助杜國也。

▲二日路透電。前禮拜內杜兵陣亡者二十三人。就擒者二百四人。投誠者四十九人。

同日電。英軍二千人前擬于四月半由英附輪前往南非洲。茲各營業已奉諭整備戎裝。准于本月十五日啓行。

同日電。英國陸軍統領名凱拉克者。茲已因病逝世。現年七十有八歲。

▲三日路透電。德亨利親王偕其夫人。行將帶同隨員多人。前往英京慶賀英皇加冕。華德斯爵帥亦在其列。

同日電。英京近預備英皇加冕之慶典。甚形忙碌。茲已飭令安設煤火筒管。絲巨數英里之遙。以為屆時點燈火之用也。

同日電。洛治出殯時。英皇后嘗備送花園一具。

同日電。麥西多尼亞並及羅便尼亞兩處。匪黨聚眾滋事。以致地方甚形擾亂。茲土王已將前情備文

佈告各國矣。

同日電。丹國首相前有比京德京之行。實為考察各該處慈善學堂中情形。

▲四日路透電。英委員保格同杜政府各大臣等。近日已與阿連治前總統斯他銀往返函議和局之事。

同日電。杜將底拉利並鏗斐二人。目下均在前總統斯他銀營處。同日電。上月二十七日路透電所云。澳官二人因鎗斃無辜杜民業均正法各節。茲悉該犯官等奉諭後。十八點鐘即行臨刑。既不及料理身後事務。又弗獲具棺上奏英皇。澳洲輿論均以執法者不無過苛云。

同日電。前任南非洲巡撫洛治殯葬之日。甚形熱鬧。通國臣民同深悼悼。

▲五日路透電。洛治遺命撥款十萬磅。以助阿利哀學堂經費。

同日電。英杜兩軍近在哈透河大戰。杜軍終被英軍所敗。是役也。英軍中官弁陣亡三人。兵勇三十四人。受傷者官弁十六人。兵勇百三十一人。

▲六日路透電。杜兵現在効命于疆場者。約計有八千餘人之眾。

同日電。路透局派駐南非洲訪事電稱。和議委員保格雖與杜總統斯他銀並杜將底拉利等往返信商。但所議各節。至今尚無頭緒。緣兩處地方相隔太遠故也。

▲七日路透電。基將軍電稱。杜將苦里正格前因其所犯案情。有顯悖公理之嫌疑。茲經說明釋放。此後祇以尋常之罪人待之。



同日電。俄海部大臣已核准發給英金六萬磅。以備東方俄屬本年疏濬港道之用。

同日電。英議院中議員名已數者。院中之領袖也。茲因事阻。不克應日本之請。

八日路透電。據泰晤士報所論中俄此次所訂之約。彼此均不失主權。而且與各國之利權亦不相碍云。

同日電。美國所議禁止華工入境章程。業經華盛頓議院核准施行。

九日路透電。日前英軍與杜將底拉利所統之軍互戰時。加拿大之兵七十名。及戰甚為得力。然杜兵有六百人之多。且奮勇直前。相持兩點鐘之久。英軍終為所敗。死傷者五十五名。

同日電。英杜和局現已開議。惟杜國副大總統領斯他銀及提督威兒脫未肯降心相從。故于和局大有所碍。

同日電。英康諾親王已奉簡統帶英皇加冕時所有馬步各軍。

同日電。法國某報云。法宜在長江一帶求一水師軍港。並宜創一法國商輪公司云。

同日電。美國議院議定。非律賓羣島現用銀幣。仍照舊式。前有抗議者。今悉贊成矣。

同日電。英戶部大臣在某處宣言。月前英杜和局。實在並無端倪。蓋杜國所擬之意旨如何。固不可知。第未知果能悉乎英之所求否也。故其究竟。殊不可測。

十一日路透電。比京各會黨大有蠢動之勢。比政府業已召集後備兵兩旅團。以防意外之變。

同日電。英杜兩國議和委員。近已畢集。開克斯多惟所議如何。英軍尚未得有消息。

同日電。洛治已于前日卜葬于馬院與波丘。執紼而送者。白人有千餘名。士民倍之。殯儀可謂盛矣。

十二日路透電。美屬塔克故人民。擬欲復舉現任總統羅維斯聯任。並舉伊理雷須為副總統之任云。

同日電。法國海部近已出示。裁減駐紮遠東之水師兵額。但留軍艦一隊。往防東海。並派水師副提督一員統轄全軍。

同日電。英兵部大臣在下議院宣言。南非洲和局一事。杜人究竟如何意見。政府尚未得有消息。未知政府曾否受意于基將軍。惟目前則尚無停戰之約也。

同日電。英步兵七千。炮兵一千。鄉兵七千。又各屬奮勇兵五千。巡兵一千。定于下禮拜由英啓程。前往南非洲助戰。

同日電。英杜委員近雖在開克斯多會議和局。但所議條款如何。英官迄未得信。

十四日路透電。英廷派與杜國議和委員保格。偕同前總統斯他銀。並杜將寶薩底拉利及底威特等。已從開克斯多地方。分乘專車二輛。至裴托里亞矣。

同日電。英內閣大臣于前禮拜六之夜。齊集理藩院大臣張伯倫府中議事。據云因接有南非洲基將軍緊要文牘。故爾集議。

同日電。昨日內閣各大臣在張大臣府中。自一點鐘議至夜半始散。翌日清晨。張大臣入署隨即入覲英皇。奏對有兩點半鐘之久。退出時即備文。覆寄南非洲。

十五日路透電。英戶部大臣昨在下議院出示。謂本年國中支用數。對算尚缺經費英金五十二兆。



五十萬磅。本大臣擬向民間籌借三十二兆磅。餘則另增新稅以補不足。所擬新稅數如下。一凡官民進款數至一百磅者。輸捐一辨士。次則五穀每重百磅。加稅三辨士。麵粉加稅五辨士。其他郵票匯票等。亦擬一併酌加。

同日電。英戶部大臣。因度支短絀。擬增新稅各節。若照此辦法。可增進款五百十六萬磅。然後再向民間籌借三十二兆磅。

同日電。加拿大政府派員稽查外國人民流寓本境。茲據該委員稟覆政府云。日本業已自禁其民流寓外洋。故日人可無須阻抑。惟華人則須嚴行禁絕。每一人頭稅宜增至五百云云。

本月大事記

西曆四月  
下半月

▲十六日路透電。美國內閣各大臣。現在訊問非律賓美官濫用酷刑一節。美國輿情大懷憤恨。均謂必須澈底根究云。

同日電。俄國管理內部大臣。近在彼得堡皇宮之外。被人以鎗擊斃。兇手業已就擒。

同日電。本年英皇萬壽慶典。英國定于五月三十號慶賀。其他各藩屬。則定于十一月九號慶賀云。

同日電。英國戶部大臣。議將五穀加稅一事。故悉各項米麥豆粉。均在增稅之列。

同日電。英政府日來並未得有斐托里亞之信。杜政府各大臣。連日仍在商議和局。

▲十七日路透電。沙侯因公同內閣各大臣會議之後。即于本日入覲英皇。面奏一切。

▲十八日路透電。一千九百一十一年。俄國稅賦進款。增多一千零二十五萬磅。

同日電。美國禁止華工。刻已經議院核准。惟船上所用之水手及升火人等。不在禁例。又美國禁止華工。不獨專指美境。凡係美屬各島。亦當一體照辦。惟官員並教習學生。以及商旅各項人等。不拘何處。均不阻碍也。

同日電。英政府籌借民債三十二萬磅。刻下應募者。約有逾原額三四十倍之多。

同日電。英理藩院大臣張伯倫。近在下議院覆答某議員曰。英杜兩國和局。現在在非洲究竟所議如何。本大臣固無從懸揣也。

▲十九日路透電。英某大臣在下議院宣言曰。基將軍近日已與杜國所派之議和各委員會晤兩次。基帥並不允杜人停戰之請。然宜假以時日。使各杜將得以集議其事。刻下杜委員等。已從斐托里亞啓行。諒俟三禮拜之後。當有消息續聞。想此次所議。可望有成也。

同日電。杜國議和委員。昨已由斐托里亞前往某處。以便與該地土民商議和約事。

同日電。聞杜國議和各委員。或當于本禮拜一日。重至斐托里亞。與英官會晤。

▲二十一日路透電。英杜兩國在斐托里亞所議條約。英京官場中秘而不宣。于是倫敦謠言百出。究其實在情形。無從查悉。惟聞杜人不願任咎。而阿連扶力斯透執政各大臣。亦均固執不移。

同日電。據斯丹達報派駐斐托里亞訪事人電稱。和約條款。近日諒已議定。茲已令各酋長于某日齊集會議其事。是日彼此停戰一日。業經兩軍互允矣。

▲二十二日路透電。荷蘭女皇病勢如前。無甚增減。全國臣民。為之隱憂不釋。



同日電。據南非洲基將軍稟報。英兵部云。前禮拜內英兵共殺斃杜兵十八人。俘虜三百四十四人。另有自行投誠者十人。

▲二十三日路透電。法外部大臣戴洛開斯追論中國往事。謂當中國禍亂之際。法政府毅然首向各國請其協辦中國之事。而各國意見不謀而合。均允照辦。以故始終得與中國會議和局。而我國在東方之商利。因而得獲保全。適者俄政府又與我國聯盟。自茲以往。則凡有關於俄法兩國之利益者。必無不可如願以得也。

同日電。英戶部大臣擬增民間利息稅一議。茲已經下議院核准施行矣。

同日電。錫蘭島英巡撫近已奉簡為東方各藩屬並西太平洋各島嶼之代表。以備慶賀英皇加冕之禮。

同日電。英京雜貨業各商力抗政府增加米石藕粉沙穀各稅。惟云匯票加抽兩辨士。或尚可行。

同日電。五穀增稅一議。茲經下議院核准施行矣。

同日電。暹羅國太子近在英京入覲英皇。蒙英皇贈送寶星。

▲二十四日路透電。俄國莫斯科各屬工匠。因請增加食並減工作時刻。相率罷工作。政府派兵彈壓各工人與之抗拒。因是彼此互有損傷。俄官因見他國工業中人多有滋事之舉。深防聖彼得堡工人亦從而效法也。

同日電。據南非洲英軍將領稟報英兵部云。本月二十號英杜兩軍在阿連治左近之非克斯勃地方

之戰。英軍官弁陣亡二人。受傷三人。兵丁陣亡三人。受傷十九人。

▲二十六日路透電。美國各銅鐵廠主現已籌借金洋五十兆元。以為購買新式煉鋼機器之用。蓋以此舉一可節省經費。二可出鋼較多也。

同日柏林電。德國議院近派專使數人。以德相褒洛孚為首。前往德意志聯邦國喀羅希魯慶祝其國主斐利德立克登位五十年之期。並經褒君向言德意志各聯邦之所以能聯絡者。皆大王之功。某等未敢或忘云。

同日電。英德美三國大西洋輪船公司。此次雖聯絡一氣。訂明英國商船歸美國輪船公司節制。然德國公司則並不歸其節制。船隻之如何調度。其權仍操諸己也。

▲二十七日路透電。據台利克老孚報言。英德美三國大西洋輪船公司。雖云聯絡一氣。然英公司之輪船。仍由英國總辦管理。將來英德美三國無論何國與他國設有戰事。則此舉即行停止。

同日電。英兵部大臣近日宣稱英杜此次議和。雖有可成之望。然英國現仍以軍火等物前往南非洲。以備足為一二年之用也。

同日電。俄國工人及鄉民滋事日甚。破爾太地方已被毀壞房產四十處。在克考甫地方滋鬧亦甚。所有各房主及各管事。俱已遠避。即什物亦不及攜帶。地方官辦理寬嚴。俱不得法。亂民已聲言將攻克考甫省城云。

▲二十八日倫敦電。美國官員已將無線電信之法試驗。甚為有效。



同日電。英德美三國大西洋公司聯絡。以二十年為期。至各公司聯絡宗旨。係為免去彼此攪奪起見。二十九日路透電。杜將波打及杜國各首領。在幽屈拉克及弗賴海地方。與杜兵聚會商議和事。該兵等悉願言和。當杜人聚會之時。英兵任其自由。不加禁止。聞英杜兩軍彼此會議暫時停戰。至五月八號止。

同日電。無線電信。現已試驗。以一兵船離岸十英里。即用其法以通消息。

同日倫敦電。杜將底拉利部下之兵。已于本月二十二號聚會商議。杜國與英議和是否可允。底拉利已于禮拜四帶同兵官數名前往克拉司托城。

同日電。杜將蠻爾帶同部下官兵二名。於本月二十五號前往巴爾馬爾城。復由該處搭坐火車前往密特爾及巴爾花士城。與城中人民聚會商議和事。

同日巴黎電。法國此次公舉議員。國民中著名之人。被選者四名。民主黨中被舉者二名。均貧富黨中被舉者三名。

▲三十日路透電。英上議院新黨各議員。現已選舉士奔沙爾君為上議院新黨首領。  
半月大事記 西曆五月

▲一日路透電。茲據路透探悉。英杜和議定局。與否必須再閱兩禮拜。方有着實消息。

同日電。路透派駐杜京訪事電稱。杜國各首領日來循歷各城邑聚議和局。俟各處議畢。當于五月二十五號公同齊集比武里尼金地方。再行辯論其應如何降敵事宜。

▲二日路透電。杜國各首領定於十五號公同齊集比武里尼金地方會議和局。非如昨電所云二十五號也。各該首當先商定如何降敵。然後再往斐里亞與基將軍定議。

同日電。英軍務處近宣示云。目下業已備兵一萬名。鄉兵亦在其列。並戰馬二千匹。定于本月內以輪船十四艘載往南非洲。

同日電。據杜將威特明言。此時若不停戰。恐亦無益。況英國所求之處。皆近乎情理云云。

同日電。德亨利親王統帶兵艦九艘至愛爾蘭北方一帶巡洋。茲已駛抵某埠。既至愛爾蘭。當赴基洛孟亨謁見英太子及其元妃等。然後再赴達卜琳總督府內宴會。

同日電。英下議院當會議輪船合眾公司時。間有數人極言本國之快艦。改懸他國旗幟。殊與國體有碍。至若虧損商利。尚其未也。其議員又謂政府于此事業已探悉各情。無如既經嚴秘不宣。此時再行辯論。直大錯矣。茲已議定。此項船隻悉歸海部管轄。政府並不強制。一如曩昔。至若禁止英民將產業售賣與外人。實有窒礙難行之處。况此意外之爭。衡政府斷不能未經細查其實。遽行為之限制也。

▲三日路透電。司登達報派駐杜京訪事于四月三十號來電云。各首領疊次會議和局。願和者固多。而其間不無異議之人。然英人所索各節。則皆在乎情理也。

同日電。英副將巴克稟報日前在某處陣擒杜首一人。該首乃杜將寶薩之姪。威特部下之驍將也。又英樂克甫副將稟稱。四月二十九號。英杜兩軍之戰。英軍中管令旗之某某弁兵二人均獲受傷。

▲五日路透電。英兵部大臣施樂本公爵。近在某大書院。選間宣言曰。溯自南非軍興以來。前後由各輪



船載兵前往者。共計有五十餘萬人。軍需輜重。約有一百二十五萬噸。糧食尚不在內。驟馬約有四十萬匹。以上各項。前後共用輪船將及六百艘。以此獲建殊功。皆賴商輪之盛。得以源源接濟。俾臻妥協。

▲六日路透電。英維新黨中名亨利福黎者。近嘗文告武樂伯亨敦各紳董。聲明羅斯伯利公爵所論南非洲軍事。及愛爾蘭省章程各節。適與鄙意相符云云。

同日電。俄國坡洛塔巴省內所屬之城邑五處。因亂黨滋事之故。業已頒行軍律。

同日電。英公爵比利斯甫。近在下議院宣言曰。日前所議地中海英水師艦隊危迫情形一信。旋經刊登各報。此事本爵一人獨行。使海部以不遵水師定章見責。本爵惟有聽其議處而已。

▲七日路透電。紐約信云。大西洋合眾輪船公司。以東方各埠商務。亦當包括在內。

同日電。葡京信稱。葡國現在情形。殊屬危迫。阿坡圖滋事。各葡官秘不宣布。究其致亂之由。則因外國各財東。近已集議。欲降葡牙為第五等國云。

同日電。英杜和局。可望有成。斐托里亞各委員。已與各杜酋晤商。甚屬順手。各該酋已允降英之議。間有異議者。惟底拉利部下之人居多。

同日電。英軍近已佔斯登考地方。該處為杜國險要之所。是役也。英軍中傷亡共有十四人。而杜軍死傷之數甚多。

▲八日路透電。英基將軍信稱。日前英軍在某處追襲敵軍。陣殺杜兵十人。俘獲二百零八人。其間有屬于阿連扶里之杜民。最為頑梗不化。

同日電。英沙侯相。近在某處言及英杜現在南非洲和局一事。深望彼此悉泯猜嫌。和衷商議。克底于成。且政府業已示意。必當曲予成全。故今日南非洲之戰禍。諒必不至遷延。而我英亦並不願終與杜人為敵也。

同日電。奧外部大臣。茲已聲言三國聯盟之約。行將接續而下。以冀共保太平之局。

▲九日路透電。英議員。愷利在下議院。以日本流寓英屬新金山一事。問諸各議員曰。政府果否與新金山首相熟商。凡日本人寄居英屬各屬。應否依照境內他國客民一體相待。至各該客民等所享各項權利。日人亦得一體均霑等語。理藩院大臣張伯倫對曰。政府並未與藩屬相臣籌議此事。愷利又曰。然則日人豈不能與文明國之客民一律相待乎。張大臣曰否。政府並無少懷歧視日人之意也。

同日電。法京巴黎。近已創一輪船公司。專為往來東方各埠。擬集法金一千萬佛郎為資本。內有一半當在丹麥瑞典兩國招集。

同日電。美國兵部大臣。告諸議政院各員曰。斯密士統領所擬辦理菲律賓軍務之處。經本大臣核准。照辦。不徒仁義備至。亦且可冀有功。但斯統領審訊哇烈都司。呈報兵部稟內。並未提及前情也。

同日電。荷蘭女皇。近日已占勿藥之喜。

同日電。英國學校經費。單茲已第二次復交下議院核議矣。

▲十日路透電。法屬西印度。瑪丁尼島火山。轟裂致聖彼爾全城毀沒。據駐防該處某法艦管帶官稟稱。八日早大火飛墜。聖彼爾城。是以全城盡遭焚毀。城內居民二萬人。未及于難者。祇三十人耳。船隻停



泊港中亦均被毀。

同日電。近西印度多米尼亞及聖彬森各島。因火山轟裂為患。居民紛紛逃徙。巴柏圖巡撫電致理藩院。稱當轟發時。彷彿如萬炮齊鳴。震聲聞于巴柏圖。移時黑不見日。益以雷雨交加。風馳電掣。飛沙走石。塵積深至數寸。

同日電。瑪丁尼火山轟發之災。百姓遭難而死者不下四萬人。茲據目擊是日災情者。述稱火山驟然轟發。頃刻間沙泥飛舞。風火畢至。上衝之石。從高而下墜者。至十五分鐘始罄。霎時間全城已在火坑中矣。

同日電。據英國來信稱。聖彬森災民遇難而死者。共計約在五百餘人以上。

▲十三日路透電。英戶部大臣所擬匯票另增印花稅一節。茲已罷議。

同日電。聖彬森島北方一帶。現仍火燄迷漫。難以近逼。而瑪丁尼河道或乾涸異常。或泛濫四境。其屬無常。

同日電。美國議院。茲已擬撥美金二十萬元。以為賑濟西印度各島難民之用。

▲十四日路透電。英某大臣在下議院請其議員設法籌款。以助西印度難民。旋據該議員稟稱。此舉雖無成案可援。政府當亦竭力以圖之也。

同日電。前禮拜間。南非洲英軍共擒杜兵計八百七十七人。杜將寶薩威斯魯等。已從哈里斯密斯前赴北里尼金議事矣。

同日電。法國總統偕同法外部大臣。已從法國起程赴俄矣。

▲十五日路透電。英某大臣因改革財政。擬將穀稅蠲免一節。茲已作為罷議矣。

同日電。英基將軍。茲已下諭謂。比里尼金會議之時。杜蘭斯哇並阿連治各屬酋長。均須一律齊臨。勿得參差。

同日電。各屬杜酋。前往比里尼金會議者。現已先後齊至斐托里亞。本日諒可開議。

同日電。新金山英巡撫。何必敦。茲已自行辭職。緣議院不允議增其薪俸故也。

半月大事記 西曆五月 下 拜月

▲十六日路透電。路透派駐杜京訪事電稱。近英杜兩國雖在言和。而杜軍絲毫不懈。並不似將屆息兵之象。凡我英人。似亦不宜預存和局。將次定議之心。致有疏忽也。

同日電。西班牙王因成丁御極。經英皇簡派喀納公爵往賀。蒙賞頭等寶星一座。

同日倫敦電。瑞典全國工人。無論貧富。現已一律罷市。須俟政府准其有公舉議員之權。始能再行開工。故現在通國中貿易。業已悉行停止。政府與各鋪戶主人。恐有謀叛之事。均極憂慮。所有國中兵士。已均留駐兵房。不准告假。

▲十七日路透電。德皇電致美總統羅斯福。謂朕擬以前皇福烈都烈克之聖像。恭設于華盛頓城內。以誌不忘亨利親王赴美之行。茲美總統業已允從其請。故美德兩國之邦交。從此必益臻親睦。

同日電。美總督武德。已于本禮拜二。即本月二十號。代美政府佈告天下。以古巴島自主。即從是日為



始並以潘洛瑪君充該島總統之任。

同日電。英理藩大臣張伯倫。近在北明亨宣言曰。本大臣極望英杜戰禍早了。茲觀其勢。雖可望言和。然尚未敢決其必成。究之無論如何。政府當不再蹈前轍也。

▲十八日倫敦電。聞此次英皇加冕時。至倫敦操演之水師兵。共六千名。步兵二萬名。團練兵八千名。馬兵五千名。砲兵十五營。

同日電。英儲近已邀請國中一千二百名各處學堂之學生。至曼爾伯勒宮殿觀英皇加冕禮儀。除賜宴外。各賜瓶一枚。以誌不忘。

▲十九日路透電。英統領亨密敦。前日在某處追襲杜軍大獲勝仗。生擒杜兵及匪黨等。共四百餘人。內有杜首數人。杜將底拉利之弟某亦在其列。並得輜重軍車數輛。

同日電。英國天尼斯省某煤礦爆裂。死者一百五十人。

同日電。俄國須爾納省總督因觀馬戲于出外時。為人用鎗擊斃。兇手登即拿獲。

▲二十日路透電。據美國信稱。英人前在美國購買驃馬。運赴南非洲應用者。茲已一律停辦。

同日電。法國海軍大臣茲已諭令添製沈水魚雷船十三艘。

同日電。近有無君黨中人。欲圖謀刺奧皇。幸奧皇從此尼亞啓行之前十分鐘。識破詭謀。該黨人旋被拘獲。

同日柏林電。西班牙王亞尼芬蘇于成丁之日。乘車過都城街市。往行發誓禮時。突有一瘋人以非禮

相犯。當即就獲。而據西班牙城各報。則言該處無君黨實有謀害之意。故該瘋人。身畔懷有炸藥云。同日電。西班牙新王西尼芬蘇自經親政後。即須發諭旨布告陸軍。並建一坊。以為前王記念。下址之禮儀。亦由新王自行舉行。

▲二十一日路透電。法總統已于今日行抵俄京。

同日電。古巴總統潘洛瑪。現已授職任事。美國駐扎該島巡撫。業已奉調回國。

同日電。路透。派駐杜京訪事電稱。杜國政府中人。主和者固多。但阿連扶星斯透各臣民。有主持異議者數人。按阿連屬黨權勢甚大。故其力足以阻撓和局。

同日電。法屬瑪丁尼島某城居民。近因火山轟裂為患。大眾咸有戒心。日前全城居民。忽于夜分紛紛逃赴馬頭。爭上輪舟。開往他處避災。

同日電。據英商務報查報。一千九百年內。英國百姓每人所用茶葉。約計六磅。有奇。較諸千八百八十六年時。每人所用。祇有五磅耳。內印度茶約居三磅半。錫蘭茶居二磅。又四分磅之一。華茶僅有三分磅之一。邇來華茶進口。年減一年。近益覺其少。

▲二十二日柏林電。德國政府現因南美洲之亂。請于美國云。如旅居巴拿馬之德人有危險處。請以兵船保護之。

▲二十三日路透電。杜將底威特並底拉利及他杜首等。已從此尼亞行抵杜京。英米樂尼將軍亦已按臨該處。



同日電。法國總統抵俄。俄皇設宴款待。席間彼此各道寒暄。繼言兩國交誼。不啻弟兄。彼此當同心協力。以禦外侮。

同日電。斐利山內火山。近復轟發。其猛烈有甚于本月八號之灾。飛石下墜。不計其數。瑪丁尼之彼爾城業已被毀無遺矣。聖彬森火山。前經轟裂。茲復繼發。人心皇皇。為之不安。

同日電。法總統在俄京聖彼得堡入觀俄國大禮拜堂時。旁觀者歡聲雷動。

同日電。英內閣各大臣業已奉飭于明日集議國事。本日因得南非洲基將軍來文。是以有召集各大臣齊赴內閣聚議國事之舉。

同日電。法廷茲已電詢瑪丁尼政府察奪灾情。應否飭令島中居民他徙。如果在所必須。究當如何辦理。方能策出萬全。

同日巴黎電。法相羅蘇現已決意于六月一號以前告退。

同日電。前日俄皇與法總統在俄國克拉斯奴魯地方大閱陸軍。至操軍時。俄皇與法總統均彼此舉觴致賀。俄法兩國陸軍之親睦。無異昆弟朋友。殊為可喜。俄法兩國所以設此陸軍。皆欲為保全太平起見也。

▲二十四日路透電。路透探悉杜京近日所議和款。將次歸結。其大要業經議定。所餘末節。現在聽候英內閣諸大臣核准。一俟接到英京覆信。各杜首即當過返比里尼金定奪云。

同日電。昨理藩院大臣張伯倫入觀英皇。既出。即入內閣同各大臣會議兩點餘鐘始各散去。

同日柏林電。意大利外部大臣。近在議院宣言。德意奧三國重行聯盟。所有盟約仍與前無異。約中所載各節。亦無仇視法國之處。蓋現在歐洲各國均以和平為宗旨也。

同日電。波斯國王及暹儲近赴清國游歷。本月二十九號當可行抵德國巴斯登地方。即在該處小住。並在該處及柏林城閱看德國春季大操。

▲二十五日路透電。英杜和局條款。迄今尚未宣露。茲據南非洲日前電請倫敦政府定奪者計有三事。一和議定後。須歷若干時。方許杜國自主。應先裁定。二杜國各屬學堂應用杜人土語。三宜永奪好望角亂黨自治之權。

同日電。南美洲智利國將與亞爾然丁國訂成一約。劃定彼此駐兵界址。至該兩國目前定製之各兵艦。並當一律刪去。

同日電。英海軍大臣日前在某處閱視新製之沈水魚雷船試車一切。甚為合式。足為兵艦之輔。誠為水師中一利器也。

▲二十六日路透電。英下議院以度支一事。茲已暫緩置議。增加稅捐各節。現經悉作罷議。蓋因和議將成。故有此舉也。

同日電。英海軍茲已議定章程。務使英皇加冕之時。英水師各軍艦在地球各屬者得獲同時慶賀。茲已遣派軍艦開往外國首要各埠。以待屆時一體致慶云。

同日柏林電。當意大利王及其后。由意京乘坐御車前往拿波口岸時。忽有匪徒。以石向車擲擊。該匪



人刻已就獲矣。

同日巴黎電。法總統現已由俄國行抵丹麥京城。丹王特親詣舟次迎迓。

▲二十七日路透電。昨據下議院聲稱。無論南非洲之變局如何。英政府所擬增加穀稅一節。當不豁免。同日柏林電。普國議院近議撥馬克二百五十兆枚。作為整頓普國東方各省經費。以免杜人恣肆。其中以一兆五十兆馬克津貼農人在東方各省耕種。以抵制波人。其餘一兆則用于東方各省專辦政治及商務事宜。德國首相當議上項時。曾與戶部大臣言德政府已決意將波人壓制。下次議預算表時。更須籌款在東邊各省辦事。務使德民權勢擴張。庶足為波人之敵。而使波人不敢逞強云。

▲二十八日路透電。南美洲亞爾然丁與智利訂立專約。議定各于邊界駐兵若干及他各項交涉。其事曾請英國秉公核斷。旋經英廷妥為調停。諒必易于成議。

▲二十九日路透電。古巴總統首次行文議政院云。古巴本足以自給。惟佈種糖片後。宜加意講求。願近來糖業衰落。皆因歐洲各國廣產雜穀。使美國酌減糖稅。未始非挽回權利之善策也。

同日電。英某大臣在下議院宣言曰。本大臣望于下禮拜一即六月二號。能將南非洲所議之條約佈聞。至度支一事。目前暫可緩議云。

同日倫敦電。俄國千九百零一年之商務表。現已刊出。其中載有出口貨共值七百二十兆羅卜。進口貨共值五百二十三兆羅卜。

▲三十日路透電。目下英人大約可許杜人所有之來福鎗仍在家中。以防土人及凶獸滋擾。毋庸交付。

英軍。

同日電。昨日英樞密院。又招集各大臣會議英杜和事。

同日柏林電。德皇因俄國水師將于本月在養威爾海口大操。故須前赴閱操云。

半月大事記 西曆六月

▲六月一日路透電。據美總統羅君宣稱。美人之意。咸以非律賓土人居心詭詐。欲以峻法相待。雖較美國所用私刑。其罪較輕。然亦非所宜也。

同日電。美總統羅君又言。此後非律賓人民智識果開。吾美須任其自主。

同日電。英國新黨首領前任宰相羅斯勃雷君。近在利司城演說南非洲議和之事云。吾英現與杜人議和。不可視其為已經戰敗之仇敵。以彼雖為吾仇。而性極勇敢。極應設法使為吾友。惟欲使其為吾有用之友。則所索之款。尚須從寬。斷不能照現在相臣沙侯所議也。又云。至于現擬抽收穀米稅一節。吾英新黨亦應設法阻之。

▲二日路透電。英杜和約已在杜京簽押。英政府得基將軍本月二十四日在杜京來文稱。杜國降英。條約已于昨夕經杜國委員會同本將軍並密樂爵帥公同簽押矣。

同日電。奧大利及山牙利兩國。現因政府彼此不合。甚為齟齬。

同日倫敦電。英杜議和條約共計十款。即一。杜人一律停戰。認英皇愛德威爾為合例之君。二。杜兵為英軍所擒充發他處者。從速送回杜國。仍不失其自由之權。並可保全其家產。三。凡虜囚釋放後。亦不



再追究。惟所犯有與戰例相背者。不在此例。四。杜國學堂學生。如其父兄欲其仍習杜國語言。則悉聽其便。至各衙門如遇不得已。而用杜國語言。亦可聽便。五。杜人仍准用快鎗。以自衛其身家性命。六。將來杜人情形。如已能至自主地位。即准其自主。七。杜與兩國均不准征抽兵稅。八。籌款三百萬磅。以為通杜國所毀各田莊修費及償其所失牲畜等物。九。將來叛民須按照殖民地律例審訊。十。叛民當與英國為難者。永遠不能自由。祇可免其死罪。

▲三日路透電。各國因英杜和局定議。業已電賀英皇。德皇與皇所發之電。尤覺誠摯。

同日電。南非洲英屬開普殖民地之叛民。凡經當兵助杜國者。此後永遠不能自由。兵弁則以大逆論。審明後再行定罪。惟免其一死耳。

同日電。英屬加拿大禁止日人之律例。自經該處議政院批准後。以宰相銘度君不准施行。故特稟請英政府批示。現在英政府亦以此例為未熟。故已作為罷論矣。

▲四日路透電。英各大臣當于本日至上議院籌議國事。緣英皇以南非洲和局業已定議。因而降旨飭令籌議善後事宜。

同日電。此次杜國各處為代表者。共計六十人。均在維連烈根城聚議英國議和之事。投票以定從違。從者共五十四人。不從者六人。和議遂定。

同日電。德京柏林工部局。近已籌款一萬馬克。寄往聖彬森賑濟災民。

同日電。英儲康諾公爵。昨日昨校閱星加波馬來由香港各英屬所派往賀英皇加冕之軍隊。

同日電。英皇因南非和議告成。定于下禮拜日偕同皇后至倫敦某禮拜堂內行禮。

同日電。英皇業已諭令下議院核議撥款五萬磅。英給統帶南非洲英軍基青尼元帥。蓋以酌其勞也。

同日電。基將軍近已升授為元帥之職。並加子爵銜。

同日電。英戶部大臣在下議院宣言曰。本國國用估計約需一百七十六兆三十五萬九千磅。所短約在二十四兆磅之譜。故于擬增稅一節。似未便豁免也。

▲五日路透電。巴黎某報訪事進謂日本伯爵松方公時。公嘗告之曰。本爵此次到法。並非為俄國籌借國債。因俄國皇帝念及日法兩國邦交。通來益臻和睦。特命本爵前來致候。貴總統也。

同日電。英戶部大臣在下議院宣言曰。英屬杜蘭斯哇並阿連扶里斯特各處地丁。既已豁免。然各項礦稅原不在此例。自應酌收稅課。以便彌補兵費之一二云。

同日電。近日得非洲來電云。自和約定議之後。英杜兩國臣民仍復交好如初。

同日電。英杜和議中。有一款言凡杜人隨帶鎗砲以為自衛起見者。須捐納照會。又言不抽地業稅。以資兵費。

同日倫敦電。據杜京來電。當杜國議和專員告各杜兵以和議已成時。各杜兵均極欣喜。即在鐵路兩旁燃放烟火。至杜京則無論英杜人均極欣慰。彼此相待如親友。

同日電。南非洲統帥向杜國議和各員言。此次英杜之戰。杜人始終堅拒。不改常度。且戰功有此地步。如吾係杜人。亦必以此為榮也。其中議和委員。有名巴爾斯者。答以今日與基君相遇如至友。予亦與



有榮焉。

同日電。杜將巴達現出傳單與各處杜人。謂須忠心于新立政府。不得為亂。

▲六日路透電。法國近組織新內閣。其各員如下。內閣總理大臣兼內務大臣康壁士。外務大臣的樂斯。大藏大臣路比爾。兵部大臣安的里。海部大臣托力敦。理藩院大臣多麥喬。

同日電。南非洲各屬杜人刻已陸續投誠。並無阻難情事。據基將軍電稱。禮拜四日。杜人至各處英營投誠者。共有一千一百五十四人。各英官既准其所請。該杜人等遂同聲為英皇高呼者三。將來英杜交誼。必當異常親密矣。

同日柏林電。德皇威廉宣稱波蘭人之隸吾德屬者。其舉動現在驕傲異常。吾德人殊難忍受。應即設法以保全己之利權。

同日電。法國自康壁士為首相後。康欲使樞密一新。故已另選新員任事。查康為法國新黨中之首領。▲八日路透電。美國兵部近得署非律賓督憲巡撫來文。內稱目下非島各屬百姓。除明廷那士庶不計外。率多欲從民主之義。即美統領察非。似亦頗以為然。

同日電。美國特派巡撫答福遠前赴巴的鏗商議天主教交涉事件。茲悉彼此業已妥為議定。凡天主教所設之各學堂。嗣後當無阻撓情事矣。

同日電。路透派駐杜京訪事來電。杜人降英前後共計已有四千五百五十二人。

同日電。意大利外部大臣璧立尼德。因與本部副大臣辯論議政院事。相持不下。因相約比武以決之。

▲九日路透電。昨基將軍稟報英政府云。前禮拜日。來降之杜兵。並帶有槍械二千五百杆。間有四百四十八人。乃南非洲之叛黨。其餘皆杜將底威特部下之兵。該杜民降後。嘗同聲高呼英皇不置。

同日電。英某議員擬將穀稅限定試辦一年之議。茲已經各議員在下議院覆核其事。允者二百三十六人。駁者一百七十三人。

同日電。法國議定將管理亞沙士國之權收回。以副該處人民之望。

▲十一日路透電。荷蘭已與德國訂專約會辦電線。係從荷屬西爾比島道經德國比魯島。以達美國非律賓。復由非律賓通至上海。

同日電。俄國現已運送大砲四尊。前往旅順口。該砲每尊重六十三噸半。長四十尺。

同日電。荷蘭政府近令其商人行駛輪船。由荷屬渣巴往來中國日本各埠。近十五年内政府給以三十一萬二千五百磅。以資津貼。惟未悉該公司共存資本若干。大約與新創之荷蘭印度輪船公司聯絡辦理。

同日電。杜蘭斯哇近日傳述各處金礦所獲之淨利。當以十分之一輸納英政府云。

▲十二日路透電。某鐵軌公司與東鐵路公司所訂之合同。係訂明將來火車由多爾至旅順口。祇需十五日之久。

同日電。法國新政府近備文佈告各民主國。畧謂該政府擬于傳教一事。必須慎選。勿任阻撓。次則認真整頓國中學校。釐定息捐。裁減陸軍。試行兩年。至外交政策。則無事更張也。



同日電。杜將林策近經英軍拿獲。蓋因奸謀被人告發故也。現在拘禁不准保釋。

▲十三日路透電。南非洲土民降英者。截至今日。已有一萬二千二百二十五人。

同日電。近日南非英官出示通諭。畧謂除官員外。凡軍民人等。在西八月十日以前投誠。供明逆跡者。但當永革其自主之權。倘或逾限。當治以死罪云。

同日電。日本小松宮親王行抵英京倫敦時。英皇特派專員並駐英日使及他日商多人。均至車站迎迓。親王旋坐英皇所派之御車前赴某旅館暫住。

▲十四日倫敦電。英皇戴冠之觀艦式。現皆參列于軍港內。外國軍艦有十六艘以上。

同日巴黎電。法國新內閣總理大臣康璧士。近在下院宣言。一定寺院結社法之適用規則。二提議廢止夫亞盧法譯音。三節省政府之支出費。四施行一切所得稅。五兵後減縮兩年。六改革軍法會議之制度。七研究購買鐵道及恩給勸勞者之問題。康璧士氏又述與俄國同盟。其目的在於維持和平云。

半月大事記 西曆六月

▲十六日路透電。禮拜六日英皇偕同皇后至奧德許阿閣視燃點燈火。本日聖躬少有違和。因感冒風邪故也。

同日電。泰晤士報云。南非洲好望角所設之政府。一切由官督理。目前似可暫撤。且待他日事機順利。再行續辦。未為晚也。

▲十七日路透電。英皇前日偶感微恙。昨夕業已痊愈。蓋得駕車遠遊之功也。皇于昨夕並在溫德瑣宮

宴客

同日電。英國下議院定于本月二十五日起。停辦公事。七月二日止。為慶賀英皇加冕大典故也。

同日電。陸軍各營。齊集奧德許阿會操時。統計兵數三萬一千。砲一百零二尊。

▲十八日路透電。茲據某將軍報稱。目下杜國并阿連治人民。降英者共有一萬六千五百二十名。繳槍一萬六千一百二十四桿。惟好望角百姓來降者。迄今僅有百五十人云。

▲十九日路透電。中國慶賀英皇加冕專使張貝勒。昨日前往阿克斯福地方遊歷。

同日電。南非洲英爵帥凱喜納電告杜國寶薩底拉利底威特。三提督云。本爵帥以貴提督竭力辦理議和事宜。故各事均有條理。所有杜人來降情形。非僅使英皇聞而欣喜。即英國人民亦深感激。豈非英杜重聯舊好之證據云云。

同日柏林電。德國華德斯爵帥。現已起程赴英慶賀加冕之禮。

▲二十日路透電。據醫生云。英皇病體初愈。不可過勞。宜停辦公事數日。以資調攝。

同日電。南非洲杜人降英者。至今日止。共有一萬八千四百人。

同日電。德意志聯邦中之薩克沙奈國王。現已辭世。享年七十有四。

同日電。英兵六千人。于昨夕在倫敦城內夾道列立。沿街燈火輝煌。道路幾為之塞。此蓋先期演試。以備即日慶賀大典也。

同日柏林電。德國下議院因釐事已畢。刻已關閉矣。



同日電。德國前因平亂起見。派往南美委內瑞辣國兵艦二艘。現已行抵該國境內。  
同日電。意國外務大臣日前宣言曰。我意與各國交涉之事。均頗和睦。即法國稍有不洽。然俄法現已聯盟。諒必能續舊好也。

▲二十一日路透電。澳洲聯邦政府首相勃敦。接見賓客時。謂若欲使澳洲與英國聯邦。以期兩國商人結成團體。此乃決不可行之事。惟望英澳稅則來往一律。彼此毫無參差。則英澳二國。庶互相裨益云。  
同日柏林電。薩克沙奈國王逝世後。現由乃弟名佐治者即位。業已宣告陸軍各將。謂余佐治繼兄即位。當守聯邦中之主義。決不更改云。

▲二十二日路透電。南非戰事既平。基將軍擬即乘輪過回英國。

同日電。此番倫敦舉行英皇加冕典禮。約需英金十萬磅。

同日電。意相親見意皇時。嘗奏稱會議稅則一事。宜從速舉行。

同日電。英儒克尼執君。現在英國創設藏書樓六所。共費英金三萬磅。

同日電。英京慶賀英皇加冕盛典。籌備實壯觀瞻。遠近來觀者不乏其人。所有應辦典禮。業已大半舉行矣。

▲二十三日路透電。倫敦官民于本日本皇英國各殖民地慶賀加冕兵丁。席設亞力山大花園中。該兵等均排隊而入。其時觀者甚為擁擠云。

同日電。意國派賀英皇加冕之阿斯他公爵。德國之古斯公爵。羅馬尼亞國之皇太子。均已偕抵倫敦。

矣。

▲二十四日路透電。俄廷已簡派俄監督益諾慶君為總辦北京俄教會事務。並籌銀一萬六千五百磅。著其整頓教會一切事。年終俸銀三萬三千磅。

同日電。英國參大臣于本月二十一日已奉英廷簡派為駐杜總督。

同日電。現杜人降英者又有將官一員。兵一百七十六名。並該處土著四百八十一名。

同日電。本日為英皇賜宴客臣之期。赴會者有各國太子十九人。公爵十九人。公主數人。

同日電。英皇因聖躬抱恙。故加冕業已改期。至改至何日。一時尚未定議。

同日電。御醫定于本日下午兩點鐘入宮割治英皇之疾。

同日電。英皇由宮內頒發諭旨一道。略謂是日不克舉行加冕大典。頗有負國民之望。然實萬不得已。當為國民所共諒也。凡各州已經預備祝典者。着仍于當日一律舉行。至賑施貧民食物。亦照前議給放云。

同日電。當御醫入宮割治英皇時。其手法頗為適當。所有腐敗之膿血。均搜檢淨盡。事畢病勢頗覺輕減。

同日電。當前禮拜六日。英皇雖小有不適。尚擬舉行加冕大典。至本禮拜一下午。病勢忽劇。是以有詔著令御醫割治。

同日電。觀艦典禮。亦已改期舉行。其各有所懸祝旗均經撤落。



二十五日路透電。英皇病勢經御醫割治之後。即見小愈。嗣用補品若干。隨無痛楚。據御醫請數日內可占勿藥。

同日電。各國所派之專使等。均擬于本日起節回國。蓋因英皇加冕大典已改期也。

二十六日路透電。據日昨十點半鐘宮門抄云。昨上半夜英皇聖躬不能安睡。及至一點鐘始安然睡去。患處毫無痛楚。

同日電。本早宮門抄云。目下英皇御體刻已就痊。

同日電。日本小松宮親王擬于本禮拜內由英起行前往法京。

二十七日路透電。英京官報云。英皇御體已占勿藥。誠可喜也。云云。

同日電。昨晚十一點鐘官報云。本日皇躬極形舒暢。本早又稱昨夕聖體甚為暢適。且安睡如常。胃口大開。患處毫無痛楚。臣民為之大慰。

同日電。美政府現已議定將美巴拿馬土腰即行開通河道。

二十八日路透電。據御醫言。英皇御體已漸就安痊。如從此大愈。可以初秋舉行加冕典禮云。

同日電。美國大總統領羅斯福氏特赦非律賓叛將亞圭拿度氏。

二十九日路透電。英皇得各國及各領屬各階級各宗派慰問電信數千通。無限感動。以為加冕延期。致公眾失望實一大遺憾云。

半月大事記 西曆七月

七月一日路透電。康諾公爵與其夫人昨日招宴日本小松宮親王。

同日電。英屬暨印度諸貴冑。近往斯波亨地方游覽戰船。

同日電。美國所派之非律賓委員。近已將該島現在不必用金一節議定。並議及議政院與定例院。俟將來戶口冊告竣後。始行設立。

同日電。比利時王于奧斯登地方邀請振貝子飲宴。

同日電。德意奧三國重訂新盟。英國及各國報紙。皆以此舉為可保歐洲太平。

同日柏林電。和蘭樞密院刻已允德和電報公司安放海底綫。以通東亞細亞之和蘭屬地。

二日路透電。今晨十點鐘。官報稱英皇昨夜已能安睡。御體進步甚速。傷口痛楚亦減。不日即可就痊也。

同日電。英兵之在非洲者。于戰事完畢時。計有二十萬零二千。以不久即將派兵七萬人還國。故已貸定運船三十九艘。先運四萬人過返。餘者則由來往南非洲之商船。于每禮拜運二千五百人歸國。

同日柏林電。俄儲梅克近日突至德境哀喀福地方。探望德皇。適值該處舉行皇家賽艇會。聞俄儲異日即將由英京返俄。此次至德。不過示與友邦和好之意。並無他故也。

同日電。意王將于本月初前往俄京。並擬于八月間往德探訪德皇。後往奧國。某報紙以意王此次前往各國。實關係要。所望德俄兩皇。將來亦至意國回望。以敦友誼。蓋德俄兩皇果能蒞止。則意人自必



欣喜以迎也。

▲三日路透電。據官報英皇聖躬進步如常。傷處痛楚已痊。人亦甚見舒快。  
同日電。奧國奧斯地利大臣與匈牙利大臣。因意見不合。勢如參商。昨經奧皇諭令。和衷共濟。並切諭將舊政改良。稅則事宜亦須刪改。

同日電。日本賀使小松宮親王及各隨員。已親見英皇后辭行回國。此次親王在英。英人均禮貌有加。同日柏林電。意王定于十三日起程前往俄京。意外部大臣亦相陪同往。

▲四日路透電。英外務大臣近在下議院與第而克大臣曾言及英日同盟。及英國對中國政策。謂吾英與日本修好。無非為彼此同心保全利益起見。至謂吾英在中國開闢門戶。往往落人之後一節。吾意甚不謂然。惟吾人在中國不能盡力經營。不無可議。又云交還天津都統衙門之約。固須更改。然中國賠款。吾英仍可宜守用之說。特觀中國情形。不免代為憫惻耳。

同日電。英外務大臣又宣言。吾英政府欲裁撤中國釐卡一事。屬無望。但願中國將此弊政漸次改良。庶少慰商民之望也。

同日倫敦電。據非律賓總督報稱。非島刻已情願遵奉美國命令。故地方已一律太平。  
同日電。美總統太赦非律賓土人之示諭。刻已頒布。惟須該土人立誓。以明此後必忠于美國。其抗拒不順者。則不在赦宥之列。

▲五日路透電。英皇昨在倫敦賜宴貧戶。凡五十萬人。英皇飭府尹傳諭眾民歡飲。是日太子及元妃公主康諾及比亞脫里等公爵夫人均預觀飲。

同日電。南非洲羅倫首地方。英軍積有軍糧。計值五十萬金磅。不戒于火。均付一炬。

同日柏林電。法總統已定于十月間與俄皇同至意國羅馬。

同日巴黎電。法國外務大臣在議院言。德意與重修盟約一節。與法國並無關碍。因法意亦常敦睦誼也。  
同日電。法議院近日新頒一例。凡屬法國人民。皆須當兵二年以上。

▲七日路透電。英國于杜蘭斯哇及阿連治屬地。已經佈置停妥。掛名界內者實繁有徒。各處街道亦已略為修築。辦理清道事宜亦經開議矣。

同日柏林電。意王將在維也納城外會見奧王。  
▲八日路透電。英皇加冕之禮。將在八月十一號至十五號之間舉行。

同日電。英理藩院大臣張伯倫君子。昨晚在威呼爾地方。由馬車中墮地。傷及頭顱。幸尚無虞。業往醫院醫治矣。

同日電。高麗派赴英國慶賀英皇加冕親王。已啓程返國矣。  
▲十日路透電。英爵提督梅士恩君。已由南非洲返國。按梅提督前被杜人拘禁。嗣後釋放。今乃返國。  
▲十一日路透電。昨晚英太子及其元妃在聖占士宮。接見各屬藩臣。到者九百人云。

同日電。昨晚馬丁尼地方火山。又有一處炸裂。歷時四點鐘之久。所傷人數。尚未查悉。該處人民甚為



震動

同日電。英皇加冕之禮。將在八月八號至十二號之間舉行。此係據官場傳說。並聞加冕時將不再禮請各國云。

▲十三日路透電。日本小松宮親王行抵西班牙新斯巴臣地方。曾代日本天皇贈送西王菊花寶星一座。

同日電。計杜人投降者。現在已有二萬人之數。

同日電。英爵基將軍等。近由南非洲乘輪返國。已於昨晨行抵首田姆吞地方。除遊擊哥登君因出痘在船外。基將軍及隨員等。皆已登岸。土人咸歡呼以迎。法蘭治哈姆未屯各帥。基元帥行抵拔登吞地方時。蒙英太子慰勞有加。並同駕車至聖占姆士宮。太子特在聖占姆士宮設宴。為基元帥等洗塵。席間基師坐在太子右邊。根姆必力治公爵洛伯治帥沙里士伯里帥連士當帥波洛特君等均在坐。宴畢基元帥遂朝見英皇及皇后。

▲十四日路透電。英首相沙侯辭職。繼為內閣總理大臣者係巴科君。

同日電。基帥由內務府大臣帶領朝見英皇時。英皇坐在睡椅相見。甚蒙優渥。並慰諭其在南非洲勲勞。賜以新樣功勳寶星一座。基帥遂于禮拜日前往黑非而脫地方拜會沙侯。

同日電。俄皇近派某親王巡行各地方。查察亂事。並探民隱。

▲十五日路透電。英戶部大臣里斯必治君亦擬辭職。

同日電。據紐約電稱。美政府近將孫克斯島賞給統領路士希而君。路君當即帶隊前往。行抵舊金山時。據運船船主回稱。行抵該島。有日本兵出為攔阻。並將日政府占島文書出示。各隊因之停往。刻外務大臣海君已將此事電詢駐日美使矣。

半月大事記西曆八月

▲十六日路透電。俄皇與意皇在克拉斯諾斯羅閣看兵操。兵隊凡三萬八千八百名。俄皇嘗率帶御軍由意皇前過。

同日電。英杜開戰時。所有降英之杜人。現被守戰之杜人怨恨。並虐待之。

同日電。倫敦人民因英皇聖躬日愈。皆轉憂為喜。再定加冕之期。人亦樂于聽聞。現在倫敦通城已由工人收拾。忙碌亦較前無異。將來熱鬧當不少減也。

同日電。的芬沙爾公爵在上議院宣言。沙侯甚欲其為聯絡黨領袖。

▲十七日路透電。澳大利亞總督亞達羅利。刻已補授杜蘭斯哇總督。

同日電。美國將軍司密甫因命兵士殺戮沙媽地方土民。使該處變為荒土。已由營務處提審。請于美總統撤任示懲。

同日電。官場述稱。所有到英慶賀加冕各兵艦。准于八月十一號在斯必克地方會齊。以待操演。

同日電。英首相巴科初次至樞密院辦公時。張伯倫亦在焉。惟不知秋季之前。樞院人員尚有變更與否。農部大臣哈伯利將來或有補授戶部大臣之望。



同日柏林電。意國威尼斯古鐘樓之墜。環球中莫不惜之。德皇特致電意皇。以表惋惜之意。

同日電俄皇。近以總兵崇銜贈與意皇。

▲十八日路透電。俄國政府布告云。俄國現擬與凡預白老司兒條約各國立約。保護各國商務。嗣後政府于商人出口貨物費用。不得幫助。及有聯行情事。庶免貨價跌落。以致虧本。

▲十九日路透電。英皇加冕典禮。定于八月九號舉行。

同日柏林電。美政府現已與教皇將非律賓教門利權議妥。

同日電。西班牙鐵路工人。近有停工罷市之意。

▲二十日路透電。英首相巴科。近在亨爾漢會所。宣稱沙侯退位時。吾英與其他各國均甚和好。惟非洲之事。不免為歐人所指摘。本大臣所望從此當亦可以無言矣。人雖以英國不應攻打自主之人。然以將來吾英如何看待杜國。使其自定律例觀之。即可知吾英之美意矣。巴君又言沙侯雖已退位。然仍不改其政令。

▲二十一日路透電。有逃難之杜人九百名。近由葡京過返南非。

同日電。英兵隊克連尼爹及高而士地廉士葛治三大隊。近由南非洲回國。今已行抵首田姆吞港。

同日電。沙侯前禮拜五在克非而脫地方某團聚會各大臣。到者有四五千人。內有印度親王及各藩屬官員。各國欽使上下議院人員等亦與斯會。

▲二十二日路透電。英外務大臣克蘭朋君。近在議院述稱英法在威瑪交涉之案。現經公正人判令法

人賠償英金九千磅。克君又稱予並未聞及意法西班牙三國定約管理地中海及非洲摩洛哥地方之事。

同日電。據晨報云。近者暹羅之交涉。甚有碍英法兩國交誼。並應彼此表白。庶免互生嫌疑。

同日電。有英兵一萬名。于上禮拜由非洲多辦地方乘輪返國。

同日電。某德報近著論說。為勸德國與英國宜益加敦睦。

同日倫敦電。美政府已將美國在非律賓一年內商務若干查明。計共價洋五兆圓。當該島未歸美國版圖時。不過九萬四千圓有奇。惟軍需不在其內。

▲二十三日路透電。近傳聞英戶部大臣克斯必治君。須留任戶部。以俟國用冊告成。因同僚請其清理。從一千八百九十九年起一切國債云。

同日電。杜將寶薩底威特底拉利三人。近由南非洲啓程前往歐洲遊歷。

▲二十四日路透電。英首相巴科。近在議院言及英政府現已將俄人所擬聯保商務事宜核議矣。

▲二十五日路透電。近因美政府有將以瑪克斯島給與路士希爾統領之說。故日本曾派遣專使乘坐兵艦前往該島。曉諭島民。謂美政府此舉甚屬無謂。蓋日本已于一千八百九十八年將該島收入版圖矣。據華盛頓人言。如日本人現在瑪克斯島開墾。則美政府未必佔守此島云。

同日電。英外務大臣克蘭朋君。近在議院稱本政府將使英法德各國寄往中國郵件。一律收費。同日電。英國某某三臣。近奉使前往南非洲。考查杜國軍律衙門審判各案。以便覆命將各案發落。



▲二十六日路透電。英皇在御艇召見大臣時。將所定八月九號舉行加冕典禮榜文簽押。是日各銀行均議放假一天。

同日電。英戶部大臣克斯必治君近宣言曰。下次國用冊須將國內各稅減輕。其議減之第一款即百姓進口稅云。

▲二十八日路透電。斯丹達報稱英皇加冕典禮。雖定八月九號舉行。然御體傷處尚未痊愈。步履仍形不便。想屆時祇可勉強從事耳。

同日電。紐約某某兩報頗以路士希爾統領佔守瑪克斯島為不決。又斯丹達報訪友云。美國已不欲與日本齟齬矣。

同日電。法大臣都麻君行到俄國。將法俄在東方情形陳于俄皇。及武備水師各部大臣云。

▲二十九日路透電。俄皇前曾派遣某親王查辦本國中部亂事。旋據覆奏。謂該會黨或扮為和尚。或扮作香客。煽惑鄉民。謂地方恐有分裂之虞。聲使謀反云。

▲三十日路透電。英下議院各藩臣聚議時。理藩院大臣張伯倫君到會演說曰。今日各藩大臣聚議。實英國聯絡各屬國之要着。又稱英政府甚願守南非洲和約。亦望杜人勿失舊來之習慣。與英人同心辦事。俾南非洲日即繁榮也。至開礦事宜。英政府並不干預。但須抽礦稅以補兵費耳。苟杜國進款除國用外。尚有盈餘。則可預先借款以償兵費也。杜國如能自立政府。英國亦必不阻撓云云。

同日電。俄國某報稱俄國在高麗政策。現在正好着手。蓋高麗國勢。俄人已能熟悉。且較之日本消息靈便云。

▲三十一日路透電。近聞美政府不允他國要求中國以金賠款。有議將此事送到荷蘭海牙議院核議。

半月大事記 西曆八月  
上半月

▲八月一日路透電。英兵部大臣皮洛的力在下議院言及在德國所購之鎗炮。較之英國自造為佳。

同日電。澳大利亞某礦山失事。致斃二十七人。當時救出一百四十五人。尚有被壓者一百人。恐難施救也。

▲二日路透電。日本小松宮親王。現已離聖彼得堡。前赴馬斯口。將乘西伯利亞鐵道返國。

同日電。俄政府近撥款一千六百五十萬金磅。為修造士里丁士克至伯拉高發士青士克鐵路之用。

同日電。俄京某稱現在北直隸之法軍參將與駐京法公使同往聖彼得堡。

同日電。澳大利亞某礦失事後。已從礦內尋出六十七人。又此次共死一百二十人。

▲四日路透電。慶賀加冕各兵隊。已准予禮拜三齊集。日來各匠搭蓋看臺。排設椅坐。頗形忙碌。賀典所經之處。皆建堅牌坊轅門。

同日電。英泰晤士報得杜蘭斯哇訪事函稱。現議設法招雇華工前往杜國。

同日電。杜將寶薩底威特底拉利三人。未往歐洲時。曾稱某在地方聚會時。眾曾舉其出外募捐。贖養國內孤兒寡婦。

同日電。今日德皇在拉福兒地方會晤俄皇。



同日電。俄國有諭將今年兵籍增至三十一萬八千六百四十五名。較之去年加多一萬名。

▲五日路透電。日本水師提督伊集院君。已蒙英皇召見。法國哨占尼皇后亦曾觀見英皇。

▲六日路透電。英皇今日乘車返蹕倫敦。

同日電。英皇及皇后由口斯起程時。波士茂治海口各兵艦。及日本兵艦。皆放砲迎接。抵域多利亞車站。乘車回宮。沿途瞻仰者。甚為踴躍。

同日電。英水師提督西摩君。近曾致書奉晤士報云。予與劉坤一極為交好。劉請將上海兵撤去。予亦甚以為然。蓋各兵初意本暫時駐滬也。

同日電。英爵乃克蘭君在下議院宣言。新議商約。已有照會致各商會館。及商民之與中國貿易者。又言英政府已咨商各國。將中國賠款減輕。並將上海兵撤退。惟此事英國不能獨行。

同日電。美國商稅大臣沙京法君。甚以裁釐加稅作抵為非云。加稅有礙各國。尤于美國為甚云云。

▲七日路透電。希臘丹麥兩太子布時公爵及各國親王均回到倫敦。

同日電。英皇御駕抵波士茂治岸時。除朝中各大臣均在彼迎迓外。日本水師提督伊集院君亦在碼頭迎候。

▲八日路透電。普皇傳諭國人。謂前者朕躬不豫。國內及屬地印度人民皆為隱憂。思愛出于至誠。復將

朕加冕之典改期。朕心實感云云。

同日電。英下議院秋季以前。尚須開議。現在討論學校事宜。提議二十款。已有七款妥議。惟義氣問題辦理不易。故刻下尚未就緒。

同日電。英大臣張伯倫君簡總郵政司。以繼倫敦打利侯爵之任。

同日電。英政府議派大臣六員查考南非洲戰事始末。

同日電。英內閣大臣更迭者五人。

▲九日路透電。英皇今日正午十二點四十分鐘在威士綿士打禮拜堂行加冕之禮。

同日電。英皇在威士綿士打禮拜堂行加冕之禮時。儀容甚整。路旁瞻仰者不計其人。蹕路所經。眾皆歡呼頌祝。是日各處均放假一天。惟街道修飾較初時所定略差耳。英皇御體極佳。在禮拜堂內舉行各禮。毫無遲疑。答詞聲甚嘹亮。諫太巴科總牧師舉冕加皇頂上。約克總牧師舉冕加皇后頂上。禮畢。英皇皇后即乘圭乘車回宮。抵宮時。已兩點零五分鐘矣。英皇復盛服戴冕。同皇后出御樓。大眾歡呼。英皇及后對眾鞠躬。至晚各處燈燭輝煌。極一時之盛。

同日電。英前相沙侯因抱微恙。故英皇加冕請假未到。

▲十一日路透電。英皇今日召見內閣大臣。新任各官。交接後新官十八人遂行發誓之禮。英皇召見各大臣後。即將維多利亞寶星賞給臣工。



同日電。英國藩屬大臣。今日未次聚會。

同日電。美政府現已議定允認日本佔守瑪加斯海島。

同日電。西伯利亞鐵路火車來往歐洲。現有定期。計由法京至北京。只需二十二日云。

同日電。美總統已准太平洋海電公司。布設舊金山至中國之電線。聞此線路係由哈威意坎姆非律賓三處佈設。

▲十二日路透電。英皇今日召見倫敦府尹的姆士。低兒君。府尹遂將國內人民報効。加冕經費十一萬五千萬金磅呈繳。英皇賞收後。擬將此款撥入英國大醫院。並稱上帝保朕在世一日。務使該醫院費用充足。無事挪借云。

同日電。英國前在波斯茂治地方建設英兵在中國庚子陣亡紀念碑。昨提督西摩君已往該處行開光之禮。

同日電。美國各報現仍論及瑪加斯海島一事。各報意見謂路士希兒統領遲疑觀望。致佔守不成。又稱美政府已遣船往探威克及米威兩海島。據云。皆有日本人居留。又云。美國欲佔瑪加斯海島。並不阻日人在彼居住。惟不欲日本管理該地耳。

▲十三日路透電。南美洲法尼蘇拉地方。近有叛黨攻襲巴斯那城。相持六日。城終被陷。該黨遂入城大肆劫掠。當交戰時。彼此均有死傷。統領六員。參將二十三員。均陣亡。此外兵匪共死一百六十七名。美國意大利荷蘭三國領事署皆被劫掠云。

同日電。俄國苛考夫城。昨日有匪徒突向巡撫某親王連放四鎗。間有一鎗擊傷頸部。刻光首已經拿獲矣。

▲十四日路透電。英國各藩屬集議捐助在倫敦建立維多利亞女皇屬國碑記。加拿大允助三萬金磅。兄倫呢二萬金磅。紐西命倫一萬四千金磅。呢他爾一萬金磅。

同日電。法國教師滋事。勢仍震動。法政府刻已派兵前往比利丁呢地方防守。並將滋事多人罰鍰監禁。以示懲儆。

半月大事記 西曆八月

▲十五日路透電。法國比利丁尼地方。天主教教士現仍抗諭不遵。法大臣坎姆士君曾在內閣言及彼等違抗諭旨。非天主教有意反抗。實法廷舉動急烈。有以致之也。

同日電。紐約某報稱美政府現議將海地及聖都明谷兩島連合。

同日電。俄國奧打沙來電。稱滿洲霍亂盛行。西伯利亞鐵路人員因疫辭差者甚眾。華人死者亦多。哈爾濱附近村鎮為之闕無人跡。

▲十七日路透電。英皇曾以金十字架一枚。頒給倫敦大禮拜堂。

同日電。英國士必黑海口水師大會。計兵艦一百零八艘。由提督六人統帶。軍容整肅。是日天氣亦甚晴和。

同日電。杜將底拉利寶薩底威特三人。已抵首占姆吞地方。皆承洛伯基青納兩元帥及理藩院大臣



張伯倫熱心歡迎。且蒙英皇賜閱水師大會。惟三人並未遵諭前往。

同日電。澳大利亞上下議院議定章程。許婦人有公舉議員之權。

同日電。蘇格蘭克來的克某。承造日本裝甲戰艦兩艘。

▲十八日路透電。波斯國王現抵英國。乃乎爾地方。英皇諭令康諾親王前往代迎。

同日電。杜將寶薩底威特底拉利三人。帶同參贊一員。由倫敦恭詣御艇。覲見英皇。是晚仍返倫敦。

同日電。洛伯基青納兩爵帥在首占姆吞地方。與杜將等同乘小輪而至御艇。由基帥帶領覲見。曾蒙

英皇溫諭。惟不提及政事而已。約一刻鐘。杜將即告退。仍同基帥至各兵艦遊覽一週。

同日電。西印度拖利賽羅海島。因火山爆發。全島人民百五十人同歸于盡。

▲十九日路透電。日本及英屬各國派往會操各兵艦。已由英國分道返國。

同日電。波斯王現已行抵倫敦。由英太子代為迎接。波王隨侍衛乘車抵毛爾白柳宮。一路皆有英

兵排隊迎接。英臣嘗在皇宮設筵恭請波王。

同日電。杜國三將已往荷國。不及將返倫敦。其行抵荷國時。荷官頗熱心相待。

同日電。法廷欲將教門封閉。遂有非尼士太地方三城人民約數千人阻撓。法兵因是入屋將各人逐

出。各人口中高歌。並將穢物亂擲。有某官因不奉行諭旨。將女尼逐出。被囚于砲臺之內。

▲二十日路透電。杜將行底荷國時。眾皆熱心恭迎。惟道路觀者稀少。且不甚踴躍。

同日電。法廷欲將非尼士太地方教門學堂封閉。致人民與法官抗拒。已有二十七人傷斃矣。

同日電。駐美日公使曾對法廷述稱。日本並無意佔守太平洋米威惠克兩島。

同日柏林電。瑞士國現在禁止女尼不准在國內居住。

同日電。一千九百一一年。德國出款較進款多四千八百五十萬馬克。

▲二十一日路透電。英皇今日乘坐御艇西發。將向英國沿海岸而行。夜則停泊海口。至蘇格蘭亞伯丁

城為止。並往該處巴爾姆羅兒砲臺遊覽一週。

同日電。杜將等曾往尤脫勒治城謁見前杜國總統古魯家。後即返荷京。初議欲往荷比兩國遊歷。今

已作為罷論。現已起程返倫敦。俟至理藩院商酌後。即在英國遊覽。

同日電。南非洲開普殖民地總統在該處議院宣言。將擬章程禁止亞細亞人非英籍者前往該地。又

傳出章程。每年開普殖民地助國家水師費五萬金磅。

▲二十二日路透電。英皇已諭准建設英國大書院一所。專謀史學哲學博學等科。

同日電。杜將克郎治及其夫人並杜人千名。已由聖布連島乘輪返南非洲。

同日電。英屬開普議院有議員二十二名。以總督士及力未孚眾望。欲圖調去之。已舉士麥脫為領袖

矣。

同日電。俄國海軍部核計自前年開築西伯利亞鐵路以來。航業進款。減少二百五十萬羅布。

同日電。俄皇近下諭。將二月時墨斯科滋事遣戍學生調回。

▲二十三日路透電。斯丹達報駐俄訪事函稱。滿洲俄兵。能否踐約如期撤退。全觀俄人在黑龍江南岸



之去留。蓋俄人以黑龍江南岸交還中國。有碍俄國地勢。俄京官場均望將黑龍江南岸仍歸入興安嶺管轄云。

同日電。太晤士報駐美訪事電稱。日本外務大臣小村子爵。曾行文加拿大政府。力駁其加倫布有所行禁止日人之例。語意甚為激烈云。

同日電。開普會所第二次將議院及戶部賠款章程宣讀眾知矣。

同日電。開普首相士皮力稱。下禮拜可將軍律再行宣示。

▲二十五日路透電。法政府現擬在中國之廣州灣地方設一水師屯集基址。估值約需費百二十五萬金磅。

同日電。俄國某報近著論稱。俄國現正應派員赴阿富汗國內講求通商。並派兩使駐紮該國。哈布爾京城是為當務之急云云。

▲二十六日路透電。俄政府近出示將由中國入口茶葉每磅加抽三羅布。

同日電。美國兵官米爾將軍現往菲律賓查看軍務。

▲二十七日路透電。意大利王行抵卜士坦皇城時。德皇歡欣迎接。

▲二十八日路透電。美總統羅斯福近在曼省某地演說。極贊前總統們羅主義。謂我合眾國應永遠守勿使美洲為歐洲各國殖民地云。

同日電。小呂宋毛勞地方。連次地震。該處與美國兵營甚近。傷斃土人六十名。美人則無一罹其災者。

同日電。前傳俄人加抽進口茶稅。係每鋪打加抽三羅布。非言每磅也。案俄國一鋪打當英國四十磅。

二十九日倫敦電。印度政府擬建設耶茲他奴美基間之鐵路。以為抵制俄國。

同日電。德皇在卜士坦宴慶皇。並因三國繼續同盟之紀念。特贈意相沙那底以一勳章。

同日電。基魯斯氏新設一製糖局于烏亞亞華地方。該資本金五百萬元。

三十日西貢電。印度加魯列茲他地方。因患洪水。致淹斃數百人。

半月大事記 西曆九月

九月一日路透電。昨日英政府在北閩垣獎叙戰功時。贊博廉宣言。國家屢次籌款。吾民多不樂助。此次所以幸獲成功者。實賴吾民之俠氣云云。倫敦某報大為不然。謂如彼所言。則英國尚得謂為文明之國乎。某時報則以贊君此言意在英國不能常蓄練兵二十五萬。所異者彼以全藉民氣為主義。不知無兵無以宣威。故此語雖頗近理。實無裨于國家也。

同日電。本日英皇召見贊博廉君。詢以前日所言之故。贊君奏對云。國家養雄兵二十五萬人。似非保全太平之局云云。

▲二日路透電。加拿大總督在溫哥華閱視香港所派赴慶賀英皇加冕各軍。並美國某營護兵。

同日電。中英商約就緒後。美人擬于美屬之加力弗尼亞地方。設立公司。集股一百萬元。以備擴充中國商務。又聞此事已有成議。並請中國此後宜向紐約採買棉花。不必前往力斐坡。各棉商亦擬于中國通商口岸設立銀行云。



▲三日路透電。美國大總統羅斯福並大臣數輩。由璧士田駕車前往廉瑞薩地方。其車忽碰電杆。電火怒發。總統幸祇輕傷。其餘車夫僕從死者頗眾。

▲四日路透電。茲有某輪由瑪丁斯尼開往倫敦。據船中人云。附近瑪丁尼之磨烏魯村火山轟裂。熱泉飛噴。居民死者靡有孑遺。亞阻巴伯倫村。則火石飛空。擊死人民無數。該島之東十里某處。竟沈入海中。聞火山轟裂時。係在刑禮拜之夜。

同日電。美國某政治家近著一書。詳述美國人民不欲與他國更修商約情形。以及各等交通條款。

▲五日路透電。南非洲英大臣數位。君觀見英皇時。力言英必須誘掖華人。開辦中國各種礦產。

同日電。英兵部大臣單博路達君。與英將亨美通坎尼同赴德京柏林商議要事。

同日電。昨晚瑪丁尼火山忽又炸裂。傷斃者約有二十人。

同日電。英相斯斐理君新立便民要政四條。一籌銀二百七十九萬五千四百磅。為修理提博魯爾力士白東倫敦沙漠四處海口之費。二修造灌溉田園各機器。三修理各處鐵路。四籌銀一百六十一萬六千二百七十七磅。為新造鐵路之費。

▲六日路透電。初四日瑪丁尼火山炸裂。喪失人命。實數尚未盡知。

同日電。本日下午英將軍博士亞並丁蘭利二君。曾與英大臣督博廉君在理藩院會議。兩點鐘之久。理藩院大臣克洛尼並烏斯洛二君均在座。

同日電。此番英杜各大臣在理藩院衙門議事。時各杜官議論言語均係荷文。然後再譯英語。

同日電。杜國債款一節。已在南非洲會議三次。

▲七日路透電。本日英將軍博士亞君又往理藩院會晤督博廉君。聞杜將昨日所增條約。英政府難以允從。嗣復會議杜將已願從前議議畢之後。杜將即啟程前往荷蘭。惟其心頗不滿意云。

同日電。英大臣烏拉巴畢路達二君。現已行抵德京柏林。極蒙德皇厚待。

同日電。日本商務大臣刻已行抵英屬滷利亞地方。擬與英政府商議遣派日本農學家前往該處。布種日本各種土產。並設立船廠。以便製英日兩國輪船。

同日電。俄國某報論及目下各國水師情形。略云。英日聯盟後。太平洋各處。英日兩國水師。頗能協力相助。俄國不得不于中國各海口。以顯其水師之威云。

同日電。附近聖彬森密弗烏利地方。初三日九點鐘火山忽又轟裂。直至次日十一點鐘始止。聞此番炸裂之狀。尤甚于前云。

▲八日路透電。德國某兵艦停泊高尼弗士海時。見某砲船忽有匪黨多人。擁入一德國輪船。搶奪軍火甚多。

▲九日路透電。德國品沙砲船。因知斐烏拉輪船有匪藏匿其中。欲攻擊該匪。遂令該船各水手于五分鐘內盡行逃避。以便轟擊。該輪管駕因五分鐘為時太促。請寬限五十分鐘。品沙砲船隨即允諾。各水手甫經登岸。其輪忽自着火。品沙砲船開砲五十次。始將該船擊沈。按斐烏拉輪係暹汀砲船。因有匪藏匿其中。故品沙砲船以匪船待之。當各水手未登岸時。該匪等已將船內火藥房預備。使其自裂云。



同日電。附近聖彬森之烏拉伯格地方。現在仍有火烟。飛沙走石。附近海岸並薩弗力山峰。自崩頽以後。其高遠不及于前云。

同日電。英國一等砲船利柏石駛到波斯灣時。曾與某船開仗。擊斃該船中人一人。其餘受傷者甚眾。▲十日路透電。退汀斐烏拉砲船管駕凱理君。當品沙砲船開砲轟擊該船時。仍在船中火藥艙縱火。旋被擊斃。

同日電。美人現在紐約設立專來往亞洲各海口輪船公司。每月均有輪船由紐約駛赴亞東各處。

同日電。荷蘭首相本日與某杜將會晤。談暢良久。▲十一日路透電。近有多數之俄兵俄人。前往滿洲。駐北京俄公使已勸令該軍統帶將該處各洋關英人盡行派入郵政局辦事。

同日電。日來埃及吐瀉盛行。昨日之間。因患吐瀉而亡者千三百五十人。統計自本年七月十五起。截至今日。患吐瀉者共二萬零三百二十九人。因此而亡者共一萬一千二百九人。

同日倫敦電。中美洲哥倫比亞叛亂。革命軍與官軍戰于沙他瑪地方。革命軍得大捷。降官軍二千人。押留于巴拿馬。美國巡洋艦巴沙號則駐其地以保護美商。

同日電。在哥烏阿與施夫刺之間試驗無線電信。其覺有效。▲十二日倫敦電。美國政府因哥倫比亞亂事。鎖閉巴拿馬地峽。已決意再派遣一巡洋艦于其地。俾與現在巴拿馬之戰鬥艦相合。至軍隊之增遣否。則不可知。

▲十三日路透電。據報因南非戰爭損害事件。賠償荷蘭人再追加三百萬金磅。至英人及中立外人之罹災者。則賠償三百萬金磅。俾復其舊狀云。

同日電。英國本年山作。為千三百六十年以來所未有云。

▲十四日路透電。據美國輿論。現任大總統羅斯福。甚得人望。巴科丹黨最近會議。已選定羅氏為次期大統領之候補云。

半月大事記 西曆十月

▲一日路透電。英國商務大臣畢弗拉在赤田宴飲時。談及此次英政府曾與加拿大鐵路公司並英人蒙更簽立合約者。緣該公司已歸英商辦理。曾造輪船二艘。願歸水師管轄。英政府年准獎給該公司銀十五萬兩。又此番英政府所立合約。人皆稱贊不置。惟助銀一節。又有議論。

同日電。杜將弗亦崇博二人。現已由英搭輪前往美國演說。同日柏林電。英國各報以聞德廷願接見杜國三將。大為震動。然此甚無謂。蓋德廷此次接見杜將。早與英廷商定。與政治上實不干涉也。

同日電。此間傳聞俄國大藏大臣前往滿洲及日本等處游歷。尚有至美之意。惟現尚未經接到確信。故未能知其究竟也。

▲二日路透電。日俄兩國現在墨西哥設立議會。以便保護兩國商務。另設工廠一所。紡織日本各等絲綢。



同日電。紐約各煤礦因工人爭鬥。致現在煤礦極缺。美總統擬于本月三日召見運煤鐵路並開採煤礦各董事。商議一切。蓋因煤炭不足。實關係全國良深也。

同日電。太晤士報近著論說。言日本因抽收房租。各國不允。而將此事交荷蘭弭兵會公斷。日本及各國如此辦理。彼此均可謂有禮。而日本能有此等舉動。亦無怪其在大國之列矣。

▲三日路透電。愛爾蘭各處近有亂事。英政府已設兵防守。  
同日電。埃及吐瀉之症現仍盛行。自七月十五日起至本日止。患者已有三萬六千六百五十八人。其間死者三萬九百八十八人。

同日電。此次土耳其兵亂。甚恐牽動大局。土國蒙尼斯達總督云。某軍三營現亦潰散。

同日電。日本現在倫敦宣借日洋五十兆元。計合英金五兆磅。以五釐行息。

同日電。此番各杜將求見德皇一事。建議者係在德京之某杜人。蓋其以為杜將所請。必蒙德皇允允也。  
同日電。俄京聖彼得堡某報云。年來俄屬黑龍江左岸農工。愈趨愈下。中國所屬之右岸。則日益繁昌。此後黑龍江兩岸各屬。宜統歸俄國版圖云。

▲四日路透電。此次美國煤礦工人爭鬥事。美總統已極力調停。惟各工人均不願息事。

▲五日路透電。聖尼次阿某報云。英大臣張伯倫擬籌款三千萬元。借與杜政府。開辦杜屬應辦各事。因杜人已欲向英政府假借此款久矣。

同日倫敦電。俄人近背巴黎之約。派魚雷船數艘駛出黑海。又公爵某亦乘鐵甲戰船至土耳其京城。觀此情形。俄人將于巴斯勃海峽有所圖謀矣。並聞俄國欲向土耳其索取水師屯煤地兩處。一在土耳其東南伊京海。一在土耳其東北之黑海也。

▲六日路透電。美國某煤商擬向英國採買上等煤炭五萬噸。趕即由海道運回美屬各處應用。加拿大某煤商已將煤炭十萬噸載赴美屬各處。日昨美總統並內閣大臣因缺煤一事。商議有兩點鐘之久。惟所擬辦法尚未得知。

▲七日路透電。美提督克士宣諭云。哥倫比亞國未蒙美廷允。不得在巴拿馬海峽鐵路運載兵士軍裝。故哥政府現已力爭此事。

▲八日路透電。巴黎某報云。此次法暹兩國在法京所訂之約。可永息爭端。

同日電。美國近因缺煤。國人多赴英屬採買。故英國煤價倍增。目下蘇格蘭各煤行。每噸價目比前已增三辨士之多。

同日電。目下有煤工三萬六千人在裏勒士地方爭鬥。

同日電。俄京聖彼得堡傳聞俄國大藏大臣維西德。擬往韓京以助韓廷。俄顧問官亞勒斯弗整頓韓國度支。

▲九日路透電。本年九月間。英國各屬進口各貨價值。較之去年十月間。多三百五十萬磅。出口貨多一百八十七萬五千磅。



同日電。歐洲各鐵路公司。均于昨日在巴黎會議西伯利亞至中國鐵路章程。

▲十日路透電。法國各煤礦工人。共有一百二十萬人。其中七十萬人。現已決定前往戰鬥。

同日電。英國近設議會禁止理栢宮各屬售賣鴉片。慶德栢地方英教會監督嘗在該會論及。果理栢宮為售賣鴉片之區。不特有傷英國文明政體。且大覺對待中國之不公云。

同日電。駐紮墨斯敦各土兵。現已盡行撤退。

▲十一日路透電。法國各礦工爭鬥。法政府已派兵前往彈壓。

同日電。美國各煤礦工人爭鬥一事。目下尚未定議。馬庚自願從中調停。惟政府未嘗允允。

▲十二日路透電。法國北屬刻已派兵多名前赴各礦工滋事之處彈壓。近礦各處傳聞各礦工現欲前往法京巴黎。

同日電。英加兩政府現已議定設一輪船公司。製造極快輪船行駛加拿大並力畢坡兩處。

同日電。英國內閣各大臣于日本重開議會。關係開議學務。

▲十三日路透電。英政府近擬造建力畢坡至加拿大之鐵路。每年津貼之費。須銀一百十二萬五千元。

同日電。美國與哥倫比亞失和一事。美政府已傳諭總兵官卡司。謂哥政府如有無理之舉。宜與力爭。惟哥兵以後各等軍裝。姑准由品拉鐵路運載。否則難免再起爭端也。

同日電。本月八九兩日。土耳其軍在斐達力赤地方。與巴嘉利之兵大戰。計巴兵應敵者共三百人。死者四十人。傷者六十人。

▲十四日路透電。各杜將已於本日行抵法京。法國國會各董事。均以厚禮接待。法外部大臣亦曾接見。

半月大事記西曆十月

▲十五日路透電。德法兩國議院現已重行開議。

同日電。法戶部擬欲增收稅則二萬。七百萬佛郎。

同日電。美滿利亞戰事危急異常。美總統已移駐提克士兵。

同日電。美總統並兵部大臣武樂德君。代表人馬更君。會同煤礦各董事在美京華盛頓會議。總統之意。擬專派一員辦理各煤礦公司及礦工交涉之事。勸令礦工從速興工。眾咸諾之。惟美國合眾會董事彌亦列君。聲言各礦工若非先行議定章程。予亦不敢受總統之命等語。目下清家高各屬因煤乏之故。均採薪備用。殊形忙碌云。

同日電。俄水師各兵艦擬于日內由屈郎斯德駛赴東方者。計鐵甲兵艦二艘。巡艦三艘。魚雷艇四艘。聞管帶各艦係統領太平洋水師提督斯德巴。

▲十六日路透電。各杜將已由巴黎起程。前赴德京柏林。

同日電。蘇弗兒亞風傳土國兵隊曾將墨士篤尼亞耶蘇教民鄉村四處焚燬。居民被戮甚多。目下該屬人民由邊界逃往達日瑟避難者。已有六百人之眾。

▲十七日路透電。美國各煤礦工人爭鬥一事。現已議結無事矣。

同日電。美總統因議結各礦工爭鬥一事。大為民間所信服。



同日電。英國下議院當秋季開院會議之時。與議之人甚眾。

同日電。美滿利亞戰事。兩軍均傷失甚多。不知將何了局。

同日電。巴科首相提議教育制度之事。贊成者二百六十二人。反對者一百四十一人。

同日電。各社將在德京柏林演說時。極言伊等仍係英屬。不敢自標國政。

▲十八日路透電。英國教育法律。現已重新規定。計一百五十條。惟恐奏效難期。神速耳。

同日電。英理藩院大臣張伯倫擬欲再行接見各社將一事。未知確否。

同日電。英首相巴科昨日已允各管學大臣動支學費。開辦學務。如此則學業之隆。可指日而待也。

▲十九日路透電。據阿德沙某時報訪事云。俄日兩國所訂商約。現已將次告成。惟兩國各宜極力籌畫。

俾兩國土產均可暢銷。

同日電。美國各煤礦工人。現已重新工作。

同日電。一千九百〇三年。俄國預算水師經費。計銀一千一百五十萬磅。其中四十五萬一千五百五

十磅為經營旅順口水師之費。二十五萬為增廣列直斯達港水師之費。

▲二十日路透電。俄國財政大臣。現已行抵下尼。按該大臣日前巡勘西伯利亞各屬鐵路者。因欲早日

可以開車也。

同日電。目下彌力沮爾那國革命黨大勢已危。所據城池均已失守。計被官軍殺戮者一千四百人。其

餘受傷者指不勝屈。

同日電。各社將已離德京。德皇不准各官往餞送。

同日電。素瑪勒地戰事。目下甚烈。本月六日。漠拉所統各軍擊斃人馬甚多。都司弗烈各文君輪船管

帶陰納君均陣亡。素瑪勒各軍惶懼異常。參將式安君現已退兵待援矣。

同日電。本月十五六兩日。蘇弗烈西火山炸裂。聖彬森內地亦被其災。各處道路田園。均為熱沙所掩。

▲二十二日路透電。美國幫辦中美商約大臣提督資烈士近曾宣言曰。果各國不放鬆其把持中國利

權手段。則中國加增稅則。自無窮期。吾恐二十年華人力盡筋疲。各國欲求其款。不可得矣。所可異者

歐洲各國于美國在華商務。均懷妬心。不知我美國安之若素也。

同日電。房畢第一營練兵。奉命前往素瑪勒地方助戰。計兵四百六十人。

同日電。參將式安君標下某員。由素瑪勒函稱。此間戰事紛如。軍中騾馬喪失甚多。行糧軍火亦將告

罄。大局實危急異常。且各軍不甚和協。不知將來如何了局云云。

同日電。印兵現已奉命前往素瑪勒助戰。此後尚可再發援。

▲二十三日路透電。英戶部大臣武烈亦曾在下議院宣言。謂予本日來此。非為社人籌款之事云云。

同日電。各社將現已逃返英京。聞彼等並不欲晉謁理藩院大臣張伯倫。緣張君並未提醒伊等也。

同日電。英將武蘭擬于十一月一日由水道啓程前往南非洲。

同日電。太晤士報云。滿洲各屬政治利源。俄人均能深知。而波斯北屬情形。俄亦素悉。且聞刻下尚欲

調查阿富汗政治利權云。



二十五日路透電。法國各礦工滋事。現已具稟法相坎柏士。謂各礦工目下已願息事。懇請即為調停也。

二十六日路透電。日昨各官商士庶咸詣聖彼羅大禮拜堂恭行謝天儀注。嚴肅異常。

同日電。英皇及皇后擬于十一月八日在武水蘇賜皇族中之宴。並設筵款待德皇。同日電。本月六日素瑪勒之戰。英兵初被戰敗。將官死有兩三人。後大將式安見勢甚危。急帶兵而前。阻敵進路。英軍始能結集全軍。復于下午極力進攻。敵兵大敗。英軍奪獲軍糧驛馬甚多。惟大砲一尊。未能奪回。計是役敵人死者六十二人。英兵死者七十人。

二十七日路透電。英理藩院大臣張伯倫擬于十一月下旬起程前往南非洲稽查善後制度。以及新英屬之現象。聞內閣各大臣均謂張君赴非後。尚擬再往英屬各處游歷云。

二十八日路透電。此次各杜將過遊荷比德法諸邦。為杜國各貧民求助賑款得銀三萬二千磅。

同日電。英欽差大臣康洛已照會土耳其政府。略謂土軍現在西登邊疆各屬。騷擾不堪。如不速為彈壓。英國必向印度調兵以資防戍云。

同日電。述賓弗質兩島海線。當于十一月八日竣工。至美國小呂宋之海線。亦已沿海建設電桿。想明年七月以前當可竣事。

半月大事記 西曆十一月

一日路透電。有組蔭尼新帛地方已告退之杜將多人。及英官數人。現已決定調集英杜各兵千人前

往素瑪勒與瑪拉人決戰。

同日電。太平洋水線。現已將次竣工。十二月當可傳遞消息。

四日路透電。參將式安現已選為外部顧問官。參將敏軍目下尚在彼柏拉預備軍裝。以便六禮拜後再行前往素瑪勒應戰。屆時式安始可卸任回英。

五日路透電。英國學校第九第十兩條章程。現已議定。

同日電。英國理藩大臣張伯倫。擬于本月三十日起程前往南非洲遊歷。

同日電。據彌理諸應勒官報云。彌國革命黨前往彌利亞附近某處與官軍交戰。大受挫敗。禍亂現已撲滅云。

六日路透電。英國學校章程第十一第十二兩款。現已議定。

同日電。張伯倫在上議院宣言曰。此番奉命前往非洲巡察。實具和平之心。惟望杜民庇我英旗之下。將來結局。必有可觀。且我政府已籌銀二百萬磅賑濟。目前因戰事失業貧民。彼杜人尚有不悅者乎。

七日路透電。杜將所請自願帶兵前往素瑪勒應戰一事。英國外部拒不之允。

同日電。德皇已由克洛地方乘坐輪船前往英國。

同日電。英政府擬在預算度支內提銀八百萬賑濟杜屬芝靖江各屬貧民一事。已在上議院宣告一次。



▲八日路透電。英國首相巴科業已出示。擬于下禮拜二日在下議院宣告機宜。俾學校各章程在本年耶蘇誕以前可以議妥。

同日電。本年十月間。英國進口貨計值增至二百五十萬磅。出口各貨計值增至一百一十二萬五千磅。

▲九日路透電。德皇昨日已抵英國彌滿利亞碼頭。隨即乘坐火車前往赤巷克理復地方。閱視英國第一營馬兵。閱畢大加獎勵。贊其在南非洲戰勝之功。旋復往聖屯利恒地方。當承英皇設宴款接。面謝前日賑濟南非洲戰士家屬之誼。德皇答云。日前所費之資。頗有裨益。欣幸異常等語。後各戰士家屬復蒙賞賚有加。

十日路透電。英皇昨日駕幸聖屯利恒大禮拜堂時。曾向理藩大臣張伯倫垂詢良久。嗣德皇亦與張君交談許久。

同日電。英相巴科已在克托麥創設書院。

同日電。前月初旬俄人在哈爾濱西南屬寶丹地方。拿獲華人劫盜七百人。俄人復于二十四日入村搜獲各盜。盡殺戮。並在該處設兵防守。

▲十一日路透電。英相巴科赴孟大臣之宴。席間言及南非洲情形。謂此後非洲大有所望。蓋以駐紮南非洲英總督講求治術。不憚煩勞。益以理藩大臣張君此次赴非遊歷。自必助成厥功。又深贊商務大臣以此次中英商約以及英日聯盟一事。克獲成功云云。

▲十二日路透電。法政府所斷礦工爭鬥之案。工人均不遵諭。因其所斷徒于礦東有利。故各工人現復紛爭如故。

同日電。法國海軍大臣斐利汀。以海軍經費不足。將擬造戰艦三艘。停製。惟地中海各兵輪須稍為整頓。

同日電。巴科所擬增訂學校章程一事。已在議院宣示。議員中贊成者二百二十二。反對者一百零三人。想此事月內當可定議。

同日電。英國畢古拉輪船管帶意力阿已由漢伯士起程前往勘驗克士表旭以北意大利各海口航路。以便運兵前往素瑪勒備戰。

半月大事記 西曆十一月

▲一日路透電。英將爾格陽由印度帶兵前往阿富汗交界處平亂。共毀敵營五十九座。並在鄉村擒獲敵人二百。二人。牲畜五千六百頭。殺斃敵人二十五人。受傷者二人。

同日倫敦電。俄美兩國漁人在白令海峽捕魚齟齬一事。自交和蘭萬國兵會調處後。現已斷定此事美國得直。俄國須以十萬元償之。

▲二日路透電。俄屬柯克士所種茶樹。大著成效。俄國農部大臣近復加意改良。特採中國印度錫蘭各處茶種。分給農民布種。計是季柯克士所出之茶。共有十四噸。每磅約值二十六辨士。以至四十六辨士不等。



同日倫敦電。杜國三提督已將英人所助被難杜民之數。合共計算。計有二萬五千二百八十磅。  
同日電。法國理藩大臣杜麥哥。已決計派專員一班。往查暹羅國法事宜。如果查出將來在遠東各殖民地有所關礙。則必設法以維持之。

▲三日路透電。此次美國議院會議時。美總統羅斯福致函言。今須定一新例。以便政府監察各商業一行一事。惟須謹慎。不可令合例大業有礙。又言美國應設一極大海軍。以保們羅遺訓。

同日倫敦電。意大利外部大臣普利納。在下議院宣言。已允英國在非洲東部攻回酋之兵。在非洲意大利權限內某處從事。蓋以該處現尚未歸意國保護。惟英兵在內用事。須不與吾國殖民地及所保護之處有碍始可。是以特派一水師大員隨營前往。以觀英兵動靜。

同日柏林電。德國擬在南美洲委內瑞拉用兵一節。現聞德國所用船隻。祇用已在該國海面者。至于此禮拜內。由德起程之三巡船。則用以在美洲其他海面辦事。英德兩國已議定于本月三日將哀的美敦書送交委國。並聞委國已將德國所索賠款。經由紐約匯交德國。而德政府則並未接有是項消息云。

▲四日路透電。英國下議院已三次宣布新訂學校章程。此次贊成二百八十六人。反對者僅一百三十四人云。

同日電。西班牙樞密院諸臣刻已一律辭職。

同日電。有英兵艦四艘已由印度起旋前往委內瑞拉。尚有兩艘不日將往云。

同日電。英國理藩院大臣張伯倫偕其夫人刻已行抵埃及京城矣。

▲五日路透電。英政府現已擬定遣派西非洲軍士四百人或六百人前往非洲素瑪勒攻擊酋長。該酋長亦統軍甚多。現已預備開仗。

同日電。英國二等巡船英傑脫格刻由西印度英屬德利尼達地方調赴委內瑞拉。

▲六日路透電。法國礦工爭鬥一事。法政府已極力調停。尚未了結。各礦務公司以及各官均大為失望。同日電。英屬達丁黎地方某伯爵。及愛爾蘭地方總兵官。業已預告駐扎商愛德博靈之孟大臣云。英皇及皇后擬于明春巡幸愛爾蘭。

▲八日路透電。英國兵艦理吐力畢森號。及德國第三號某兵艦。現已行抵委內瑞拉。

同日電。張伯倫于昨日下午覲見埃及國王。旋赴金字塔遊覽。即回轉蘇彝士河原船首途。

同日電。美國元老代表兩議院刻均將非律賓改用金磅一事開議。  
同日電。英國皇太子及其夫人。此次往東方游歷。道經埃及。埃王偕其弟暨各大臣以及英埃兩國武員。均至車站迎送。並往阿普丁宮殿遊覽。

同日倫敦電。英國要索委內瑞拉之故。實有數端。一據英船。二奪鐵路。三刻薄英人。四任意傷害英人利權產業。

同日電。英國外務大臣業已宣言。謂英國之與委國交涉。迄未議結。德國亦然。現英德兩政府均已簡派專員向委政府極力要索。委政府所許條款。如果不滿兩國之心。惟有開戰。必欲達其目的而後已。



又英德兩國戰艦已于前禮拜日下午駛抵委國格洛埃斯地方。委國果不從兩國之要求。必有一番血戰云。

▲九日路透電。法國馬耳賽口岸。所有船塢工人及舵工等。已均一律罷市。凡船隻到時。無論何國。一概不與起貨。其解各行工業。亦將商同罷市。而漁人木匠餅師屠人等則已一律罷市云。

同日柏林電。英德兩國自將哀的美敦書送與委國後。二十四點內。仍未接到覆文。故英德駐委國兩公使。已離去委京。而至停泊在拉夸爾口岸之兵船暫駐。如委國不遵哀的美敦書所載各節。則英德兩國即將奪其兵船。封其海口。

同日電。法國各報頗不以法埃所立之商約為然。據言該約之立。法國幾若已暗認英國占據埃及矣。▲十日路透電。倫敦得委京格洛埃士電稱。英德兩國兵艦。已于本日在理豁武拉港中聯合拘獲委國戰艦四艘。委政府即將委京各英民悉數拘禁以報之。

▲十一日路透電。法國馬耳賽罷市。工人現已決意不再與其主及政府議和。同日電。此次委京各英民均被委政府拘禁一事。英政府尚以為得計。蓋英民既被監禁。愈可保全無恙也。

同日電。委京居民聞知理豁武拉港中委國兵艦四艘均被英德所拘。即將兩國旗撤下。以火燒燬。並欲迫入德國使署。將德人盡行謀殺。警察雖備知其事。亦徒袖手旁觀耳。同日電。德國由委國鐵路所運貨物。委政府均不准放行。

同日電。委政府現已大赦國內犯人。並諭國民從軍禦敵。

同日電。美國駐委公使。現在委京。顧英德兩國一切利益。已將兩國被禁商民設法釋放。現仍籌謀良策。冀兩國民衆盡脫囹圄。

▲十二日路透電。委國各戰艦均被英德兩國擊沈。惟一艘無恙。同日電。委將數列帶兵一千二百名前往理豁武拉港。委總統現已降諭。極言英德聯合軍有野蠻之舉動。諭令國民同心戮力應戰。以保疆土。

同日電。德委政府拘禁英德兩國人民。目下均已釋放。委將數列所統之軍。並大砲十八尊。現已行抵理豁武拉。

同日電。目下英德各軍並未與彌軍開仗。

同日電。委總統現已招集新軍。凡年在十五歲以上至五十歲者。均可應募。委國總主教及總統近曾往謁委國革命黨首領。請其相助禦敵。

同日倫敦電。與英國為敵之素瑪勒酋長。聞已于拜神祈禱時。為人行刺而斃。

▲十三日路透電。委政府現已照請美公使代向英德兩國求和。惟觀現在情形。兩國似不能允其所請。同日電。英德兩國將所獲委國兵船沈沒。其故以無從解釋。故美人聞者頗為訾議。並極忿怒。

同日電。在暹羅之各國銀行。因暹羅改用金幣。以致受虧。咸向暹政府索償。暹廷不允。▲十四日路透電。北妙達地方之英兵艦二艘。現亦開赴委內瑞拉矣。



同日電。意大利現亦遣派戰艦兩艘前往委國。  
同日電。日前傳說素瑪勒酋長被刺一節。係屬謠傳。蓋英政府已接該酋來文。其辭甚為倨傲。文書略言議和情形。並請英政府允其載運各種軍裝進口。  
▲十五日路透電。德國力測斯達商約。已在議院辨駁終宵。始獲定議。此次贊成者三百。二人。反對者一百人。

同日電。德國米尼滔兵艦。現又拘獲委國力士滔的砲船。

同日電。英國滄斐士輪船。于本月十日為委屬嘉拍洛土匪所拘。旋即釋放。

同日電。英國開勒的士兵船。並德國米尼滔兵船。已將委屬之嘉拍洛地方極力攻擊。

同日電。委國總統日來舉動大異于前。一面聲責英德兩國行為之非。一面諭令各屬不得擄奪英德商民。並將德國所建德律風以及鐵路一切交還。駐委德使之夫人抱病在署。委總統曾親往問候。並請其入宮靜養。且諭飭嘉拍洛地方各官。務允英德兩國所要求云。

半月大事記 西曆十一月

▲十六日路透電。英國兵部大臣羅布力在下議院宣言。謂現已決定仍留駐華兵隊四營。成防威海衛。同日電。德國各報均謂委內瑞拉兵艦經德軍一擊而沈。豈足以資航海抵敵之用。即使留存。亦不過阻碍我軍艦行動而已。

同日電。委總統擬將此次交涉交公正人判斷一節。美政府已允贊成。

同日電。美國外務大臣已咨會德政府。謂圍攻委國海口一事。不必通知美國兵船。蓋此舉非美國之所願。並云惟望此次亦封禁海口。如一千八百九十六年時。屈勒提雖被圍攻。而海口卒得保全無恙云云。

同日電。英國學校章程。已在上議院宣讀。

▲十七日路透電。英德兩政府現已決定。示委國以兵威。將委屬各海口概行封禁。惟兩國並無欲令英軍登岸。佔據委屬各邊疆之意。

同日電。美國外務大臣現已咨催英德兩政府。略謂委總統所請將三國交涉交公正人判斷一事。請從速賜覆。

同日電。美國總統羅斯福及內閣各大臣。昨已會議委國交涉之事。惟願如何辦理之處。尚未決定。同日電。美國各議員咸贊美政府此番辦理之善。

▲十八日路透電。俄屬阿的曾之痕恒拉鄉村。昨因地震之故。損害人命。尚未查知其數。

同日電。英皇曾在議院宣諭。謂英日聯盟。兩國均願同心協力。互保利權。並云聯盟一事。不惟裨益兩國。且可保全東方和平之局。又諭日前所訂中英商約。微特有益于英。即凡通商各國。均獲益非淺。並指約中數款。謂此數款雖未必為各國之所悅。其實均大有裨益也。

▲十九日路透電。委總統已畀全權與駐委美公使。以便與英德兩國開議和局。委國既已諸多退讓。英國自必樂從所請。不與德國合力與委國為難也。



二十日路透電。美政府咨請英國將英德與委國交涉之案。公正人判斷一節。英政府現經照覆。已有允准言和之意。惟一切條款。僅願與美政府商辦云。

同日電。德意兩國亦已照覆美廷。至其所叙情形。大約與英國所覆相同。

同日電。俄外部現移咨英政府。略謂南非洲戰事未發以前。阿富汗各處邊疆交涉。業已議結云云。文中所叙。並無所要求于英。不過欲與阿富汗邦交日形親睦耳。

二十一日路透電。英德兩國現已聲明。果兩國所索各條。委國並未請人擔保。以表其實。以滿兩國要求之心。當將其海口即行封禁。

同日電。勸請美總統公斷委國與英德交涉一節。委國總統現已允從。

二十二日路透電。瑪昆日在畢利湯並柯唔浩兩處之間。所創無線電報。現已傳遞電信。加拿大總督已由該局電奏英皇。此乃該局第一次所傳之電信也。

同日電。英國弗而湯兵艦。曾列入派封委國海口英國艦隊之內。目下停泊阿凌瑞屈江中。

二十三日路透電。意國兵艦邦森號。現已擄獲委國稅船一艘。同日電。日前俄國阿的曾地震。計毀房屋一萬六千間。傷斃居民二千五百人。目下該處地方仍時震動。居民實不勝其苦云。

同日電。塞宣尼國承統公主。忽于十一日夜間潛至某處登舟。不知何往。其時公主神色甚為慘淡。人皆以為公主必因家人不睦之故。擬欲附船前往曾尼巴。惟此舉國人均甚張皇云。

二十四日路透電。塞宣尼國公主係與宮中某師傳法相約逃。刻下兩人均在曾尼巴某處客寓。同日電。意國某巡艦並英國某巡艦一艘。現復擄獲委國商船五艘。德國某兵艦亦已擄獲委國兵艦一艘。目下委京糧餉僅資兩禮拜之需。

同日電。英德兩國公請美總統裁判委國交涉一事。已于本日行文美京。

同日電。意國亦已派兵七百人由委屬巴柏括前往阿彼亞。約二十七日可抵該處。蓋意國以此役亦不得已之舉。其意與英國若合符節。

二十五日路透電。意國亦請美總統公斷委國交涉。其照會已遞至美京。文中所述情形。頗為慷慨。並謂美政府所公斷。我意甚為樂從。

同日電。委政府現已聲明。謂據萬國公會之例。封禁海口固可。惟所拘委國各艦應即交回。

同日電。委國各商船為各國封口各兵艦所擄者。計值金五千元。

同日電。塞宣尼公主目下不肯歸于其父。蓋恐既歸之後。必遭禁錮也。至其潛逃之故。亦已言明。係因與其弟不睦。現其弟亦逃至曾尼巴某處。

二十七日路透電。英國殖民大臣張伯倫于本日行抵竹版碼頭。該處總督及各官均來迎迓。張君宣言謂本大臣此次游歷之故。特欲表明英皇深愛南非洲及南非洲百姓之意云。

同日電。委國交涉一事。美總統今不肯出為判斷。歐洲各國現已議定。改交萬國公會裁判。

同日電。張伯倫在德班宴會席間宣言曰。英旗之在南非。當必日增光彩。兩國亦必敦好如初。可無疑。



義又云。英杜兩國之聯盟。乃一絕大問題。此事不容緩議。

▲二十八日路透電。日昨張伯倫在德班宴會。嘗云。當兩種競爭之時。雖國中人員亦不能阻止其事。又云。今日之荷蘭。固已尊崇英國。吾英尚何憾云云。

同日電。英國皇后于耶穌聖誕之日。特賜宴南非陣亡兵之家屬。共一千八百人。

▲二十九日路透電。此次美總統不允公斷委因之事。德政府頗失所望。蓋此事若歸萬國公會判斷。曲折頗多。必致遷延時日也。

▲三十日路透電。摩洛哥國王現在潛駐弗肅宮中。國恐土匪攻擊城村。無力阻遏也。

同日電。摩洛哥各土匪已將弗肅城內水管截斷。致城內滴水難求。想三日內摩王當必迫而出降。又摩王曾由宮中逃出。復被各土匪逐回。



